

摘藻堂四庫全書薈要

經部

欽定四庫全書薈要

經部

左傳注疏卷五十



詳校官原任侍講臣王燕紹

欽定四庫全書薈要卷一千一百六十六

經部

春秋左傳注疏卷五十

起昭公二十一年盡二十三年

晉杜氏注 唐陸德明音義

孔穎達疏

十有一年春王三月葬蔡平公

夏晉侯使士鞅來聘注晉頃公卽位通嗣君音義

頃音

宋華亥向寧華定自陳入于宋南里以叛注自外至故

曰入披其邑故曰叛南里宋城內里名音義

披音彼反疏注

義曰賈逵云書入華猶兄弟作亂召而逆之是賈以此
人從國逆之例也釋例曰春秋稱入其例有二施於師

旅則曰弗地在於復歸則曰國逆國逆又以立爲例逆而不立則非例所及諸在例外稱入直自外入內記事常辭義無所取而賈氏皆以爲例如此甚多是杜意以賈氏逆之爲非故云自外至故曰入以顯異之也五年傳叔孫昭子數豎牛之罪云又披其邑將以赦罪彼注云披析也此分析君邑以自屬已故曰叛也傳稱華氏居盧門以南里叛宋城舊墉及桑林之門守之知此南里是宋城之內里名

秋七月壬午朔日有食之

八月乙亥叔輒卒注叔弓之子伯張

冬蔡侯朱出奔楚注朱爲太子則失位遂微弱爲國人

所逐故以自出爲文

公如晉至河乃復注晉人辭公故還

傳二十一年春天王將鑄無射注周景王也無射鐘

名律中無射音義

鑄之樹反射音亦注同中丁仲反

疏

注正義曰周語云景王二

十一年將鑄大錢二十三年將鑄無射單穆公曰不可作重幣以絕民資又鑄大鐘以鮮其繼三年之中而有離民之器二馬國其危哉王弗聽問之汾州鳩州鳩對王又弗聽卒鑄大鐘二十四年鐘成二十五年王崩孔晁於二十四年注云昭二十一年如彼云則此年鑄鐘成之年而傳云將鑄無射者此爲州鳩之言張本州鳩以未成之時爲此言故此年發傳而言將也州鳩此下之言與周語州鳩之言全不同者彼是對王之問此是自言其事異時別言故不同也周語及此皆論鐘事故云無射鐘名其聲於律應無

射之管故以律名名鐘襄十九年季武子作林鐘亦是鐘聲應林鐘之律也此無射之鐘在王城鐫之敬王居洛陽蓋移就之也秦滅周其鐘徙於長安歷漢魏晉常在長安及劉裕滅姚泓又移於江東歷宋齊梁陳時鐘猶在東魏使魏收聘梁收作聘遊賦云珍是淫器無射高縣是也及開皇九年平陳又遷於西京置太常寺時人悉得見之至十五年勅毀之

泠州鳩曰王其以心疾死乎

注泠樂官州鳩其名也音義

泠力丁反字或作伶非也

夫樂天子

之職也注職所主也夫音樂之興也注樂因音而行

而鐘音之器也注音由器以發天子省風以作樂注

省風俗作樂以移之疏

注正義曰漢書地理志曰凡民函五常之性而有剛柔緩

急音聲不同繫水土之風氣故謂之風好惡取舍動靜無常隨君上之情欲故謂之俗是解風俗之名但風俗盛衰隨時隆替國之將滅風敝俗煩天子新受命者省此風俗之敝乃作樂以移之孝經曰移風易俗莫善於樂孔安國云風化也俗常也移太平之化易衰敝之常也地理志以風爲本俗爲末言聖王在上統理人倫必移其本而易其末此混同天下一之乎中和然後王教成是說作樂移風之事也

器

以鍾之注鍾聚也以器聚音與以行之注樂須音而

行疏

正義曰爲上言鍾音之器也故此云器以鍾之言器以鍾聚其音又上言音樂之興也故此云

與以行之承上語不倫者亦猶易繫辭云天尊地卑乾坤定矣卑高以陳貴賤位矣隨文便而言耳小

者不窕注窕細不滿音義

窕他

大者不樛注樛橫大

不入音義

樞戶反疏

正義曰言小不至窕則窕是細之意也大不至樞則樞是大之義也

說文云窕深肆極也由細故能極於深是窕爲細不滿謂不能充滿心也樞聲近橫故爲橫大心所不容故不入心也下窕則不咸

咸如字本或作感

戶暗反

則和於物物和則嘉成注

嘉樂成也故和聲入於耳而藏於心心億則樂注億

安也音義

億於力反樂音洛

窕則不咸注不充滿人心音義

咸如字本或作感

戶暗反

樞則不容注心不堪容心是以感感實

生疾今鍾樞矣王心弗堪其能久乎注爲明年天王

崩傳○三月葬蔡平公蔡大子朱失位位在卑注不

在適子位以長幼齒音義

適丁歷反長丁丈反

疏

注正義曰喪大記記國君

初死之禮云既正尸子坐于東方卿大夫父兄子姓立于東方有司庶士哭于堂下北面鄭玄云正尸者謂遷尸牖下南首也子姓謂衆子孫也姓之言生也其男子立於主人後彼言子坐東方謂大子即鄭所謂主人也彼初死之時即別適庶况其至葬君道成矣大子失其位明其不在適子位也位在卑是以長幼爲齒蓋處其庶兄之下大夫送葬者歸見昭子昭子問蔡故以

告昭子嘆曰蔡其亡乎若不亡是君也必不終詩曰

不解于位民之攸墜注詩大雅墜息也音義

解佳賣反墜許

反器今蔡侯始即位而適卑身將從之注爲蔡侯朱出

奔傳○夏晉士鞅來聘叔孫爲政注叔孫昭子以三命爲國政季孫欲惡諸晉注憎叔孫在已上位欲使得罪於晉音義惡烏路反使有司以齊鮑國歸費之禮爲

士鞅注鮑國歸費在十四年牢禮各如其命數魯人

失禮故爲鮑國七牢音義

費音秘故爲于僞反

疏

正義曰十四年傳曰司徒

老和慮癸來歸費齊侯使鮑文子致之是鮑國歸費之事也杜以周禮掌客云上公饗餼九牢侯伯七牢子男五牢以諸侯牢禮各以其命數卿大夫來者亦當牢禮如其命數計鮑國齊卿不過三命於法當三牢而魯人失禮爲鮑國七牢也下云加四爲十一知本七也劉炫云案聘禮使卿主國待之饗餼五牢則

臣之牢禮不依命數鮑國禮當五牢加二牢耳今知
非者杜以掌客諸侯牢禮各依命數以卿大夫無文
故杜據諸侯言之不謂卿大夫以下亦依命數而劉
以鄭注掌客爵卿五牢爵大夫三牢爵士大牢而規
杜非也
士鞅怒曰疏正義曰七牢於禮厚矣而鞅怒者
但陳設爲鞅鞅必不怒其時魯人
報云鮑國之禮
鞅遂怒其輕已
鮑國之位下其國小而使鞅從其牢

禮是卑敝邑也將復諸寡君魯人恐加四牢焉爲十

一牢注言魯不能以禮事大國且爲哀七年吳徵百

牢起音義

恐丘勇反
下注同

○宋華費遂生華驅華多僚華

登驅爲少司馬多僚爲御士注公御士音義

驅勅俱
反少詩

反照與軀相惡乃譖諸公曰軀將納亡人注亡人華亥

等音義

惡如字又烏路反

亟言之音義

亟欺冀反

疏

正義曰服虔云亟疾也疾

言之欲使信則服虔讀爲亟也或當爲亟亟數也數言之

公曰司馬以吾故亡其

良子注司馬謂費遂爲大司馬良子謂華登死亡有

命吾不可以再亡之對曰君若愛司馬則如亡注言

若愛大司馬則當亡走失國死如可逃何遠之有注

言亡可以逃死勿慮其遠以恐動公公懼使侍人召

司馬之侍人宜僚飲之酒而使告司馬注告司馬使

逐羈音義

飲於鵠反下同

司馬歎曰必多僚也吾有讒子而

弗能殺吾又不死抑君有命可若何乃與公謀逐華

羈將使田孟諸而遣之疏

正義曰抑語助若如也言吾有讒子謂多僚也雖知

其讒既不能殺多僚華羈雖枉爲君有逐羈之命可如何言無如之何遂謀逐之

公飲之酒

厚酬之注酬酒幣賜及從者司馬亦如之注亦如公

賜音義

從才用反

張句尤之注張句華羈臣尤怪賜之厚

音義

句古害反本亦作弓

曰必有故使子皮承宜僚以劔而訊

之注子皮華羈訊問也音義

訊音信

宜僚盡以告注告

欲因田以遣之張句欲殺多僚子皮曰司馬老矣登之謂甚注言登亡傷司馬心已甚吾又重之不如亡也五月丙午子皮將見司馬而行則遇多僚御司馬而朝張句不勝其怒遂與子皮曰任鄭翩殺多僚注任翩亦軀家臣音義重直用反見賢遍反勝音升任音士翩音篇劫司馬

以叛而召亡人士寅華向入樂大心豐愆華控禦諸橫注梁國睢陽縣南有橫亭音義愆起虔反本或作衍睢音雖華

氏居盧門以南里叛注盧門宋東城南門六月庚午

宋城舊廊及桑林之門而守之注舊廊故城也桑林

城門名音義

廊音容本或作墉

○秋七月壬午朔日有食之

公問於梓慎曰是何物也禍福何爲注物事也對曰

二至二分注二至冬至夏至二分春分秋分日有食

之不爲災日月之行也分同道也至相過也注二分

日夜等故言同道二至長短極故相過疏

正義曰日月之行交

則相食自然之理但日爲君象月爲臣象陰既侵陽如臣掩君聖人因之設教制爲輕重以夏之四月純陽之月時陽極盛陰氣未作正當陽盛之時不宜爲弱陰所侵以爲大忌此月日食災最重也餘非陽盛

之月爲災稍輕至於分至之月日食即不爲災又解
不爲災之意以二分晝夜等似其同一道二至長短
極竝行則相過以爲理必相侵故言不爲災劉炫云
此皆假其事以爲等差其實災之大小不如此也且
詩云十月之交朔日辛卯日有食之亦孔之醜先儒
以爲周之十月夏之八月秋分之月也而甚可醜惡
七年四月甲辰朔日食春分之月也而云魯衛惡之
衛大魯小安在乎二分之食不爲災足明此是先賢
寓言非實事也注正義曰日之行天一日一周月之
行天二十九日有餘已得一周日月異道互相交錯
月之一周必半在日道裏從外而入內也半在日道
表從內而出外也或六八七出或七八六出凡十三
出入而與日一會歷家謂之交道通而計之一百七
十三日有餘而有一交交在望前朔則日食望則月
食交在望後望則月食後月朔則日食此自然之常
數也交數滿則相過非二至乃相過也傳之所言以

二分日夜等者春分之時朔則日在婁望則日在角
秋分之時朔則日在角望則月在婁婁角是天之中
道日月俱從中道故晝夜等似有體敵之理月可敵
日冬至之時朔則日在斗望則月在井夏至之時朔
則日在井望則月在斗斗井南北晝夜長短之極似
若月之極長可以掩日然故云至相過謂絕相縣殊
也此至唯冬至耳言二至者全句以成文此皆假託
以爲言也以日者天之大明人君之象不可虧損故
於正陽之月其災爲重於分至之月其害爲輕
於餘月之食其災爲水假之以垂訓非實事也其他
月則爲災陽不克也故常爲水注陰侵陽是陽不勝

陰疏

正義曰其他月非分至之月則爲災日食是陰
侵陽是陽不勝也故日食常爲水災莊二十三

年六月日食秋大水此二十四年五月日食梓慎曰
將水昭子曰旱也其年八月大雩旱也則亦不是常

爲水也又七年四月甲辰朔日食春分之月而云魯衛惡之常水之言既無其驗足知是賢聖假託日食

以爲戒耳

於是叔輒哭日食注意在於憂災昭子曰子叔

將死非所哭也八月叔輒卒○冬十月華登以吳師

救華氏注登前年奔吳齊烏枝鳴戍宋注烏枝鳴齊

大夫厨人濮曰注濮宋厨邑大夫音義

厨直誅反濮音卜

軍

志有之先人有奪人之心後人有待其衰盍及其勞

且未定也伐諸若入而固則華氏衆矣悔無及也從

之丙寅齊師宋師敗吳師于鴻口注梁國睢陽縣東

有鴻口亭音義

先悉薦反後戶豆反盍戶臘反

獲其二帥公子苦雒

偃州員注二帥吳大夫音義

帥色類反注同雒古含反員音云又音圖

華

登帥其餘注吳餘帥以敗宋師公欲出注出奔厨人

濮曰吾小人可藉死注可借使死難音義

難乃旦反

而不

能送亡君請待之注請君待復戰決勝負音義

而不能送

亡君絕句復扶又反下文復即之同

疏

正義曰服虔以君上屬孫毓以君下屬杜注不明亦似上屬

乃徇曰揚徽者公徒也注徽識也音義

徇似俊反徽許歸反說文

作微識本又作幟申志反又音昌志反一音式

疏

注正義曰禮記大傳云聖人南面而治天下必改正

朔殊徽號鄭玄云徽號旌旗之名也周禮大司馬云中夏教爰舍辯號名之用帥以門名縣鄙各以其名家以號名鄉以州名野以邑名百官各象其事以辨軍之夜事鄭玄云號名者徽識所以相別也鄉遂之屬謂之名家之屬謂之號百官之屬謂之事在國以表朝位在軍又象其制而爲之被之以備死事帥謂軍將及師帥旅帥至伍長也以門名者所被徽識如其在門所樹者凡此言以也象也皆謂其制同耳縣鄙謂縣正鄙師至鄰長也家謂食采地者之臣也鄉以州名亦謂州長至比長也野謂公邑大夫百官以其職從王者此六者皆書其官與名氏焉夜事戒夜守之事也草止者慎於夜於是主別其部職如鄭此言則徽識制如旌旗書其所任之官與姓名於上被之於背以備其死知是誰之尸也士喪禮云爲銘各以其物亡則以緇長半幅賴末長終幅廣三寸書銘于末曰某氏某之柩今之銘旌旗獨也此生之徽識

如死之銘旌其制之大小蓋亦如銘旌也書其官名
即今之軍記令其各自揚徽欲知其助公多少如漢
書絳侯之令軍人衆從之公自楊門見之注見國人
云爲劉氏者左袒

皆揚徽睢陽正東門名楊門下而巡之曰國亡君死

二三子之恥也豈專孤之罪也齊烏枝鳴曰用少莫

如齊致死齊致死莫如去備注備長兵也音義去起呂反

彼多兵矣請皆用劒從之華氏北復即之注北敗走

厨人濮以裳裹首而荷以走曰得華登矣遂敗華氏

于新里注新里華氏所取邑音義裏音果荷何可反又音何翟僂

新居于新里既戰說甲于公而歸注居華氏地而助

公戰音義

僂音力主反說他活反下注同

華姓居于公里亦如之注

姓華氏族故助華氏亦如僂新說甲歸傳言古之爲

軍不訾小忿音義

姓他口反下注同訾本又作訾才斯反又音紫

十一月癸

未公子城以晉師至注城以前年奔晉今還救宋曹

翰胡注曹大夫音義

翰音寒又戶旦反

會晉荀吳注中行穆

子音義

行戶反

齊苑何忌注齊大夫衛公子朝注前年

出奔晉今還衛救宋丙戌與華氏戰于赭丘注赭丘

宋地音義

赭音者丘又作丘同

鄭翩願爲鵠其御願爲鵠注鄭

翩華氏黨鵠鵠皆陳名音義

鵠古喚反鵠五多反陳直觀反

子祿御

公子城莊董爲右注子祿向宜音義

莊董音謹本或作莊董父

干

擊御呂封人華豹張白爲右注呂封人華豹華氏黨

音義

擊尺由反

疏

正義曰呂邑封人官名豹即下文華豹是也本或豹上有華王肅董過並云呂

封人華豹釋例譜一人再見名字不同皆兩載之宋

雜人內有呂封人豹華豹爲一人知此本無華也今

定本相遇城還華豹曰城也城怒而反之注怒其呼

已反還戰將注豹則關矣注注傳矢關引弓音義之

樹反關鳥環反本或作彎同下同傳音附

曰平公之靈尚輔相余注平公

公子城之父音義

相息亮反

豹射出其間注出子城子祿

之間音義

射食亦反又音食夜反下及注皆同

將注則又闕矣曰不狎

鄙注狎更也音義

更音庚

疏

正義曰服虔云狎更也子城謂華豹曰不更射爲鄙

一曰城言我不狎習故鄙然則豹已闕矣何慮不射公子城何當屬之云不更射爲鄙城方與豹相射此非謙讓之所又何須自言不習爲鄙服之二說皆非杜亦訓狎爲更言更遞也城謂豹女頻射我不使我得更遞是爲鄙也豹服此言故抽矢而止此豹亦不達軍之戰禮也

抽矢注豹止不射

城射之殪注豹死音義

殪一計反

張勾抽及而下注及長

丈二在車邊音義

及音殊長直亮反又如字

射之折股扶伏而擊

之折軫注折城車軫音義

折之設反下及注同扶伏並如字上又音蒲下又蒲

北反本或作匍匐同

又射之死注勾死干犛請一矢注求死城

曰余言女於君注欲活之音義

女音汝

對曰不死伍乘

軍之大刑也注同乘共伍當皆死音義

乘繩證反注及下同

干

刑而從子君焉用之子速諸乃射之殪注犛又死音

義

焉於虔反

大敗華氏圍諸南里華亥搏膺而呼見華軺

曰吾爲樂氏矣注晉樂盈還入作亂而死事在襄二

十三年音義

搏音博呼好故反

驅曰子無我迂不幸而後亡

注迂恐也音義

迂求枉反恐丘勇反

使華登如楚乞師華驅以

車十五乘徒七十人犯師而出注犯公師出送華登

食於睢上哭而送之乃復入注入南里音義

睢音雖復扶又

反

楚遂越帥師將逆華氏大宰犯諫曰諸侯唯宋事

其君今又爭國釋君而臣是助無乃不可乎音義

于蓮

委疏

正義曰言諸侯之內唯宋之臣民善事其君言反疏以前未嘗有叛逆者也俗本或無其字若無其

字則是唯宋事楚檢於時宋國不屬楚也

王曰而告我也後既許之矣注

爲明年華向出奔楚傳疏

正義曰謂大宰犯諫在華登出師之後

○蔡

侯朱出奔楚費無極取貨於東國注東國隱大子之

子平侯廬之弟朱叔父也而謂蔡人曰朱不用命於

楚君王將立東國若不先從王欲楚必圍蔡蔡人懼

出朱而立東國朱愬于楚楚子將討蔡無極曰平侯

與楚有盟故封注盟于鄧依陳蔡人以國音義

愬音素

其子有二心故廢之注子謂朱也靈王殺隱大子其

子與君同惡德君必甚疏

正義曰荷恩謂之德言荷君恩必甚也

又使

立之不亦可乎且廢置在君蔡無他矣注言權在楚
則蔡無他心○公如晉及河鼓叛晉注叛晉屬鮮虞
晉將伐鮮虞故辭公注將有軍事無暇於待賓且懼
泄軍謀音義泄息列反
又以制反

經二十有二年春齊侯伐莒

宋華亥向寧華定自宋南里出奔楚注言自南里別從

國去音義

別從
列反

大蒐于昌間注無傳音義

蒐所求反
間如字

夏四月乙丑天王崩六月叔鞅如京師葬景王注叔鞅

叔弓子三月而葬亂故速音義

鞅於丈反

王室亂注承叔鞅

言而書之未知誰是故但曰亂疏

正義曰傳曰叔鞅至自京師言王室之亂

是魯史承叔鞅之言而書之也閔馬父聞叔鞅之言乃
遲度其事云子朝必不克是未知誰是誰非也故史但
書曰亂不言某人某人爲亂魯史書事必待告乃書傳
聞行言不書之此承叔鞅之言即書策者魯是周之宗
國既聞王室之亂義當釋位救之魯聞周亂所憂在已
承言即書見魯之憂王室也公羊傳曰何言乎王室亂
言不及外也其意言兄弟爭位室內
自亂其亂不及外國故指言王室也

劉子單子以王猛居于皇注河南鞏縣西南有黃亭辟

子朝難出居皇王猛書名未即位音義

單音善鞏九勇反難乃旦反

疏

正義曰傳曰鞏簡公敗績于京甘平公亦敗焉單子欲告急於晉以王如平時遂如圃車次于皇是辟

子朝之難出居皇也王人以在皇告故書皇也景王既葬猛當成君仍書名者王室大亂未得以禮即位故也如莒展弒君而立未會諸侯元年書莒展與出奔吳鄭忽嗣父而立鄭人賤之不以爲君桓十一年書鄭忽出奔衛然則未成君者法當書名此王猛雖未即位異於諸侯故稱王而以名繫之劉炫云以王當國亦如莒展以名繫國也

秋劉子單子以王猛入于王城注王城邾鄆今河南縣

晉助猛故得還王都音義

邾古洽反鄆音辱

冬十月王子猛卒注未即位故不言崩疏

注正義曰未即位不成爲

王故不言崩也書王子猛卒者未成爲君繫父言之故稱子猶魯之子般子野卒

十有二月癸酉朔日有食之注無傳此月有庚戌又以

長厯推校前後當爲癸卯朔書癸酉誤疏

注正義曰案傳十二月庚

戌晉籍談云云庚戌上去癸酉三十七日若此月癸酉

朔其月不得有庚戌也又傳十二月下有閏月晉箕遺

云云又云辛丑伐京辛丑是壬寅之前日也二十三年

傳曰正月壬寅朔二師圍郊則辛丑是閏月之晦日也

又計明年正月之朔與今年十二月朔中有一閏相去

當爲五十九日此年十二月當爲癸卯朔經書癸酉明

是誤也故言長厯推校十一月小甲戌朔傳有乙酉十

二日也又有己丑十六日也十二月大癸卯朔傳有庚

戌八日也閏月小癸酉朔傳有閏月辛丑二十九日也明年正月壬寅朔則上下符合矣

傳二十二年春王二月甲子齊北郭啓帥師伐莒注

啓齊大夫北郭佐之後莒子將戰苑羊牧之諫注牧

之莒大夫音義

苑於元反牧之州牧之牧

曰齊帥賤其求不多不

如下之大國不可怒也弗聽敗齊師于壽餘注莒地

音義

帥所類反下之遐嫁反

齊侯伐莒注怒敗莒子行成司馬

竈如莒涖盟注竈齊大夫莒子如齊涖盟盟于稷門

之外注稷門齊城門也莒於是乎大惡其君注爲明

年莒子來奔傳音義

惡鳥路反

○楚遂越使告于宋曰寡

君聞君有不令之臣爲君憂無寧以爲宗羞注無寧

寧也言華氏爲宋宗廟之羞耻寡君請受而戮之對

曰孤不佞不能媚於父兄注華向公族也故稱父兄

以爲君憂拜命之辱抑君臣日戰君曰余必臣是助

亦唯命人有言曰唯亂門之無過君若惠保敝邑無

亢不衷以獎亂人孤之望也唯君圖之音義

過音古木反亢

苦浪反

疏

正義曰亢高也衷善也獎勸也無高貴不

衷音忠

善之事以

勸亂人為惡也易曰亢龍有悔

言其位高也

楚人患之注患宋以義距之諸侯之戍謀曰

若華氏知困而致死楚恥無功而疾戰非吾利也不

如出之以爲楚功其亦無能爲也已注言華氏不能

復爲宋患音義

復扶又反下復欲同

救宋而除其害又何求乃

固請出之宋人從之疏

正義曰若華氏知困而致死戰或敗諸侯之師也楚耻無

功而疾戰戰勝則楚獨有功二者並非吾諸侯之利也聞楚師將至華氏即出亦是楚之功也不如出之以爲楚功其此華氏亦無所能爲也已言雖放令出亦不復能爲宋害言宋人慮更爲害決欲取殺之故

諸侯之戍固請出之宋人乃從之

己巳宋華亥向寧華定華貜華登

皇奄傷省臧士平出奔楚注華軀已下五子不書非

卿音義

省悉井反又所
景反臧子郎反

宋公使公孫忌爲大司馬注

代華費遂邊邛爲大司徒注邛平公曾孫代華定音

義

邛五
郎反

樂祁爲司城注祁子罕孫樂祁犁音義

犁力
私反

又力
兮反

仲幾爲左師注幾仲江孫代向寧音義

幾音
基

樂

大心爲右師注代華亥樂輓爲大司寇注輓子罕孫

音義

輓音
晚

以靖國人注終梓慎之言三年而後弭音

義

弭彌
氏反

○王子朝賓起有寵於景王注子朝景王之

長庶子賓起子朝之傳音義

朝如字凡人名字皆張通反或云朝錯是王子

朝之後又音潮案錯姓亦有兩音長丁丈反

疏

注正義曰二十六年傳子朝使告于諸侯云單劉贊

私立少知朝年長於猛也賓孟欲立子朝明是子朝之傳

王與賓孟說之欲立之

注孟即起也王語賓孟欲立子朝為大子音義

說如字又

音悅語

疏

正義曰賈逵云賓孟子朝之傳也王愛子朝因愛其傳故朝起並有寵於景王也與

賓孟並談說之欲立朝為大子周語云景王欲殺下

門子乃云賓孟適郊見雄雞賈逵云下門子周大夫

王猛之傳也景王欲立朝故先殺猛傳然則王與賓

孟言說既欲立朝乃殺猛傳議久不決故賓孟假雄

雞斷尾

劉獻公之庶子伯盆事單穆公注獻公劉摯

以勸之

伯蚤劉狄穆公單旗音義

蚤扶粉反一音扶云反摯音至下同

惡賓孟

之為人也願殺之又惡王子朝之言以為亂願去之

注子朝有欲位之言故劉蚤惡之音義

惡烏路反去起呂反有欲

位之言一

疏

正義曰伯蚤是果決有知謀者也願得本位作立

殺賓孟去子朝所以強單子之心故劉子亦與同志共立子猛也於賓孟云願殺之於子朝云願去之者朝是王之寵子王在不可專殺願遂去而已獻謚法知

賓孟適郊見雄雞自斷其尾問之侍

者曰自憚其犧也注畏其為犧牲奉宗廟故自殘毀

音義

斷丁管反憚待且反犧許宜反

遽歸告王且曰雞其憚為人用

乎人異於是注雞犧雖見寵飾然卒當見殺若人見

寵飾則當貴盛故言異於雞音義

遽其據反

犧者實用人

人犧實難已犧何害注言設使寵人如寵犧則不宜

假人以招禍難使犧在己則無患害已喻子朝欲使

王早寵異之音義

難乃旦反

疏

正義曰說文云犧宗廟之牲也曲禮云天子以犧牛

鄭玄云犧純毛也

周禮牧人當牧六牲以共祭祀之

牲牲鄭玄云六牲謂牛馬羊豕犬雞牲體完具也又

曰祭祀共犧牲以授充人繫之鄭玄云犧牲毛羽完

具也授充人者當殊養之然則祭祀之牲選其毛羽

完具者養之以為犧犧者寵養祭牲之名賓孟感雞

以毛羽牲具恐其被養為犧故自斷其尾殘毀其形

賓孟怪而問之侍者曰自憚其犧言此雞憚畏其被寵養也賓孟因此感悟疾歸以雞事告王且又言曰雞其憚畏為人用乎人則異於是雞矣雞被寵飾終當見殺人被寵飾則當貴盛此其所以異於雞也犧者寵牲之名因以犧喻寵子即名寵子為犧言寵愛為犧者依法用牲今寵愛為犧者乃實用人言犧當用純德之人猶如祭犧當用純色之牲也他人之有純德寵之如犧後實招禍難矣己子之有純德寵之如犧有何害也但人有親疎若疎人被寵愛為犧實為禍難若己家親屬寵愛如犧有何患害他人謂子猛親屬謂子朝也犧者實用人上人是對牲為稱普據凡人也人犧實難比下人據疎外之人人字雖同上下人意異注正義曰犧者繫養之名耳言寵飾者當養之時必為之服飾以異之如今之繫五采也史記稱楚王欲以莊周為國相謂使者曰郊祭犧牛養之數歲衣以文繡牽入太廟是時欲為孤豚豈可得

乎是亦飾之事賓孟言人儀實難假疎人以爲說人
爲疎姓之人寵養疎人擅權害主故言設使寵人如
寵儀則不宜假人以招禍難假借他人以權或將反
來害己子猛雖亦王子不得王寵與他人無異使儀
在己家則無害己喻子朝子朝是己
之子欲使王早寵異之如寵儀也
王弗應注十五

年大子壽卒王立子猛後復欲立子朝而未定賓孟

感雞盛稱子朝王心許之故不應音義

應應對之
應注同

疏

注正義曰賈逵以爲大子壽卒景王不立適子鄭衆
以爲壽卒王命猛代之後欲廢猛立朝耳服虔以賈
爲然杜今從鄭說者二十六年傳閔子馬云子朝于
景之命則景有命矣若不命猛更命誰乎若子朝子
猛並未有命俱是庶子朝年又長於次當立自求爲
嗣宜矣劉蚩何以惡其爲亂而欲去之若俱未被立

王意不偏羣臣無黨王命為嗣則莫敢不從何須將
殺單劉以立朝也杜以此知大子壽卒王立子猛為
適其後復欲立子朝而王意未定賓孟感雞自毀因
此盛稱子朝之美王心許賓孟故不應慮其泄言也

夏四月王田北山使公卿皆從將殺單子劉子注北

山洛北芒也王知單劉不欲立子朝欲因田獵先殺

之音義

從才用反
芒音亡

王有心疾乙丑崩于榮錡氏注四

月十九日河南鞏縣西有榮錡澗音義

錡魚綺反
澗古晏反

疏

注正義曰此於乙丑之下言四月十九日戊辰之下
言二十二日顯言此二日者此年之傳其日最多經
之與傳又時月多錯故此顯言二日
欲令自此以下依次推之易驗耳

戊辰劉子摯卒

注二十二日無子單子立劉蚩注蚩事單子故五月

庚辰見王注見王猛音義

見賢通反注同

遂攻賓起殺之注

黨子朝故盟羣王子于單氏注王子猛次正故單劉

立之懼諸王子或黨子朝故盟之疏

注正義曰猛朝俱是王子單劉

必欲立猛明猛是次正當立故也公羊多有次正之語杜取為說猛為次正不知其本蓋是大子壽之母弟或是穆后姪娣之子或母貴也 ○晉之取鼓也注在十五年既獻

而反鼓子焉注獻於廟又叛於鮮虞注叛晉屬鮮虞

六月荀吳略東陽注略行也東陽晉之山東邑魏郡

廣平以北音義

行下孟反

使師偽雜者負甲以息於昔陽

之門外注昔陽故肥子所都音義

雜音狄

遂襲鼓滅之

以鼓子鳶鞮歸使涉佗守之注守鼓之地涉佗晉大

夫音義

鳶悅全反鞮丁兮反佗徒多反守子又反又如字

○丁巳葬景王王

子朝因舊官百工之喪職秩者與靈景之族以作亂

注百工百官也靈王景王之子孫音義

喪息浪反下注羣喪同

帥郊要餞之甲注三邑周地音義

要一遙反餞賤淺反

以逐劉

子注逐伯蚩壬戌劉子奔揚注揚周邑單子逆悼王

于莊宮以歸注悼王子猛也王子還夜取王以如莊

宮注王子還子朝黨也不欲使單子得王猛故取之

癸亥單子出注失王故出奔王子還與召莊公謀曰

注莊公召伯與子朝黨也音義呂上照反不殺單旗

不捷注旗單子也音義旗音其捷才接反與之重盟必來背

盟而克者多矣從之注從還謀也音義背音佩下注同樊頃

子曰非言也必不克注頃子樊齊單劉黨音義頃音本

或作疏注正義曰此下二十三年單子劉子遂奉王
頃字樊齊以王如劉故知是單劉黨也

以追單子注王子還奉王及領大盟而復注領周地

欲重盟令單子劉子復歸音義

令力呈反

殺摯荒以說注

委罪於荒音義

說如字又音悅

劉子如劉注歸其采邑單子

亡乙丑奔于平時注平時周地知王子還欲背盟故

亡走音義

奔于平時一本作于平時音止又音市下同本或作平壽誤

疏

正義曰此上言

子還夜取王以如莊宮遂與召莊謀殺單旗與之重

盟必來來而殺之王子還遂奉王追單子及領遂與

重盟而還殺摯荒者為前取王如莊宮令單子失王

而出奔更殺摯荒以解說此事單子覺還欲背又奔

時平羣王子追之單子殺還姑發弱駸延定稠注八子

靈景之族因戰而殺之音義

禮子工反疏注正義曰稠直由反以上言王

子還此八人還居其首還既稱王子明八子皆王子也故知靈景之族

子朝奔京注其

黨死故丙寅伐之注單子伐京京人奔山劉子入于

王城注子朝奔京故得入辛未鞏簡公敗績于京乙

亥甘平公亦敗焉注甘鞏二公周卿士皆為子朝所

敗音義

鞏九勇反疏

正義曰謚法一意不懈曰簡布綱持紀曰平注正義曰知為子朝所敗者

以傳云敗績于京故知是悼王黨為子朝所敗也

叔鞅至自京師注葬景王

還言王室之亂也注經所以書閔馬父曰子朝必不

克其所與者天所廢也注閔馬父閔子馬魯大夫天

所廢謂羣喪職秩者單子欲告急於晉秋七月戊寅

以王如平時遂如圃車次于皇注出次以示急戊寅

七月三日經書六月誤也音義補圃音疏注正義曰傳言七月戊寅

杜以長歷推校之戊寅是七月三日明傳是也經書王猛居皇乃在六月下知經六月誤也劉子

如劉單子使王子處守于王城注王子處子猛黨守

王城距子朝盟百工于平宮注平宮平王廟辛卯鄆

肸伐皇注鄆肸子朝黨音義鄆音尋肸許乙反大敗獲鄆肸

壬辰焚諸王城之市注焚鄆胗八月辛酉司徒醜以

王師敗績于前城注醜悼王司徒前城子朝所得邑

百工叛注司徒醜敗故己巳伐單氏之宮敗焉注百

工伐單氏為單氏所敗疏

注正義曰知單氏所敗者以上云伐單氏下云反伐

之是單氏反伐百工也若單氏被敗焉能反伐百工

庚午反伐之注單氏反伐

百工辛未伐東園注百工所在洛陽東南有園鄉音

義

園魚呂反

冬十月丁巳晉籍談荀躒帥九州之戎注九

州戎陸渾戎十七年滅屬晉州鄉屬也五州為鄉音

義獠力反及焦瑕溫原之師注焦瑕溫原晉四邑以納

王于王城注丁巳在十月經書秋誤疏注正義曰傳言冬十月丁

巳杜以長歷推之丁巳是十月十四日經書此事在秋其下乃有冬知經誤庚申單子劉

蚩以王師敗績于郊注為子朝之黨所敗前城人敗

陸渾于社注前城子朝衆社周地音義社市者反本或作杜下皆

同十一月乙酉王子猛卒注乙酉在十一月經書十

月誤雖未即位周人諡曰悼王疏注正義曰傳言十一月乙酉杜以長

歷推校之乙酉是十一月十二日知經書十月誤也上云單子逆悼王于莊宮悼王即猛也經書為卒傳

言其諡故解之雖未即位周人諡曰悼
王敬王猛之母弟敬王位定乃追諡之不成喪也注

釋所以不稱王崩已丑敬王即位注敬王王子猛母

弟王子勾音義

勾害反疏注正義曰敬王名勾本紀文

弟先儒相傳說耳諡法夙夜共事曰敬

館于子旅氏注子旅周大夫○

十二月庚戌晉籍談荀躒賈辛司馬督注司馬烏音

義

督音篤

帥師軍于陰注籍談所軍于侯氏注荀躒所

軍于谿泉注賈辛所軍鞏縣西南有明谿泉次于社

注司馬督所次王師軍于汜于解次于任人注王師

分在三邑洛陽西南有大解小解

義 凡解音 蟹任音任

閏月晉箕遺樂徵右行詭濟師取前城注三子晉大

夫濟師渡伊洛

義 行戶郎反 詭九委反

軍其東南王師軍于

京楚辛丑伐京毀其西南注京楚子朝所在

經二十有三年春王正月叔孫婁如晉注謝取邾師音

義

婁 略反 勅

癸丑叔鞅卒注無傳

晉人執我行人叔孫婁注稱行人譏晉執使人

音義 使所

吏疏注正義曰傳說魯取邾師則是魯有罪矣而譏晉反執者凡諸侯有罪盟主當以師討之不得執其使

人故譏之

晉人圍郊注討子朝也郊周邑圍郊在叔鞅卒前經書

後從赴疏

注正義曰往年傳閏月辛丑晉師伐京毀其西南注云京子朝所在此年傳正月壬

寅朔二師圍郊計辛丑士寅頻日耳蓋京城既毀郊是子朝之邑故二師圍之故云討子朝也郊不繫周者大都以名通也傳稱朔日圍郊至癸丑乃叔鞅卒癸丑正月十二日也是圍郊在叔鞅卒前也晉人來告圍郊不以圍郊日告之告在叔鞅卒後故經書在後是從赴也圍郊在朔或亦在叔孫婁如晉之前但行無日未必不以朔行據鞅卒有日而言之

夏六月蔡侯東國卒于楚注無傳未同盟而赴以名

秋七月莒子庚與來奔音義

與音餘

戊辰吳敗頓胡沈蔡陳許之師于雞父注不書楚楚不

戰也雞父楚地安豐縣南有雞備亭音義

父音甫

疏

正義曰此

戰獲胡沈之君明是胡沈之君自將也頓序於上頓亦君自將也獲陳大夫陳是大夫將則蔡許亦大夫將也故云頓胡沈蔡陳許君在臣上各自以大小序耳桓十三年經書齊師宋師衛師燕師敗績此不每國書師而總云師者傳無其說杜不為注是史略文非義例也賈逵云不國國書師惡其同役而不同心案隱十年宋人蔡人衛人伐戴鄭伯伐取之傳曰宋衛既入鄭而以伐戴召蔡人蔡人怒故不和而敗亦是同役而不同心彼

既不變其文此何當變文以見義乎知賈之妄注正義曰杜知楚不戰者以傳云戰于雞父吳子以罪人先犯胡沈與陳三國敗舍胡沈之囚使奔許與蔡頓師譟而從之三國奔是戰於雞父之時先犯胡沈陳後破許蔡頓也六國既陳戰敗而奔下傳始云楚師大奔是六國敗後楚師怖懼不得成陳望風而奔故傳云不言戰楚未陳杜云不書楚楚不戰劉炫用服虔義云不書楚楚諱敗不告然則必其楚人來告容或諱敗若吳人來告豈代楚諱乎劉違背傳文而規杜非也

胡子髡沈子逞滅注國雖存君死

曰滅音義

髡苦門反逞勅逞反

疏

注正義曰公羊傳曰君死于位曰滅其意言本國雖存其君見

殺與滅國相類據君身言之謂之滅

獲陳夏鑿注大夫死生通曰獲夏鑿

徵舒玄孫音義

夏戶雅反鑿五結反

疏

注正義曰宣二年鄭人獲華元生獲也哀十一年獲

齊國書死獲也故云大夫死生通曰獲案世本宣公生
子夏夏生御叔叔生微舒舒生惠子晉晉生御寇寇生
悼子鬻鬻是微舒曾
孫杜云玄孫未詳

天王居于狄泉注敬王辟子朝也狄泉今洛陽城內大

倉西南池水也時在城外音義

大音泰

疏

注正義曰此事傳無其文不言

無傳者傳稱六月庚寅單子劉子樊齊以王如劉當從
劉而居狄泉不是全無其事故不云無傳也狄泉今洛
陽城內大倉西南池水是也若在城內宜云王居成周
知此時在城外也今在城內者土地名云或曰定元年
城成周乃遶尹氏立王子朝注尹氏周世卿也書尹氏
之入城內也

立子朝明非周人所欲立疏

注正義曰宣王之世有尹吉甫春秋以來數有尹子

見經是其食采於尹世為周卿士也以其世為卿士宗族強盛故能專意立朝不言尹子而言尹氏者見其宗族強故能立之也敬王是單劉所立不書單子立者敬王猛之母弟兄死次正當立立之是常朝不應立立庶以亂國書尹氏立朝所以惡尹氏也隱四年衛人立晉善其得衆書衛人言舉國共立之此書尹氏立朝明非周人所欲立獨尹氏立之耳

八月乙未地震

冬公如晉至河有疾乃復

傳二十三年春王正月壬寅朔二師圍郊注二師王

師晉師也王師不書不以告癸卯郊鄆潰注河南鞏

縣西南有地名鄆中郊鄆二邑皆子朝所得音義鄆

音鄆

尋潰戶內反

丁未晉師在平陰王師在澤邑注平陰今河

陰縣王使告閒注子朝敗故音義

閒音閑

庚戌還注晉

師還○邾人城翼注翼邾邑還將自離姑注離姑邾

邑從離姑則道徑魯之武城音義

徑音經

疏

注正義曰邾魯接連

竟界相錯邾人從翼邑還邾先徑魯之武城然後始至離姑而後至邾故舉離姑為道次

公孫鉏

曰魯將御我注鉏邾大夫音義

鉏仕居反下同御魚呂反

欲自武

城還循山而南注至武城而還依山南行不欲過武

城音義

過古禾反
下遂過同

徐鉏丘弱茅地注三子邾大夫音

義

茅亡交反

曰道下遇雨將不出是不歸也注謂此山道

下濕遂自離姑注遂過武城武城人塞其前注以兵

塞其前道疏

正義曰此所塞之處必有隘道當是已過武城之邑未出武城之竟故得塞其

前斷其後而攻取之

斷其後之木而弗殊邾師過之乃推而蹙

之遂取邾師獲鉏弱地注取邾師不書非公命音義

斷丁管反殊如字說文云死也一曰斷也蹙其月反又音厥又居衛反

疏

注正義曰傳言武城人則

是武城之大夫自專為此謀也既取邾師邾始慙晉
晉人來討乃令叔孫往謝叔孫以年初即行則魯取

邾師事在往年因叔孫婁如晉追言之

邾人愬于晉晉人來討音義

愬息

路反

叔孫婁如晉晉人執之書曰晉人執我行人叔孫

婁言使人也注嫌外內異故重發傳音義

使所吏反重直用反

下重發同

晉人使與邾大夫坐注坐訟曲直疏

注正義曰周禮小司

寇云命夫命婦不躬坐獄訟凡斷獄者皆令競者坐而受其辭故使並坐訟曲直

叔孫曰列

國之卿當小國之君固周制也注在禮卿得會伯子

男故曰當小國之君疏

注正義曰僖公十九年傳曰在禮卿不會公侯會伯子男

可也於禮得與相會故當小國之君

邾又夷也注邾雜有東夷之風寡

君之命介子服回在注子服回魯大夫為叔孫之介

副音義

介音界注同

請使當之不敢廢周制故也乃不果

坐韓宣子使邾人聚其衆將以叔孫與之注與邾使

執之叔孫聞之去衆與兵而朝注示欲以身死音義

去起呂反

士彌牟謂韓宣子注彌牟士景伯音義

彌亡支反牟亡

侯反曰子弗良圖而以叔孫與其讎叔孫必死之魯亡

叔孫必亡邾邾君亡國將焉歸注時邾君在晉若亡

國無所歸將益晉憂音義

焉於虔反下同

子雖悔之何及所

謂盟主討違命也若皆相執焉用盟主注聽邾衆取

叔孫是為諸侯皆得輒相執乃弗與使各居一館注

分別叔孫子服回音義

別彼疏注正義曰賈逵云使

鄭衆云使叔孫子服回各居一館邾魯大夫本不同

館無為復言使各居一館也欲分別叔孫與子服回

不得相見各聽其辭耳服虔並載兩說仍云賈氏近

之案傳云各居一館之下即云士伯聽其辭而愬諸

宣子乃皆執之則皆執各居一館者也若是邾魯別

館豈執邾大夫乎且下云館叔孫於箕舍子服回於

他邑明此各居一館是分別士伯聽其辭而愬諸宣

子乃皆執之注二子辭不屈故士伯愬而執之疏

注正

義曰魯人實取邾師二子辭不屈者蓋以朝聘征伐過他國必假道乃行邾人不假魯道是邾亦合責不假道小過也取其師大罪也蹊田奪牛為報已甚故士伯愬而執之久囚其使足以謝邾故晉以明年釋之士伯御叔孫從者四人過邾館以如吏注欲使邾

人見叔孫之屈辱音義

從才用反下同

疏

正義曰御謂追引也引叔孫詣於獄

也叔孫從者唯有四人先過於邾君之館然後以之如吏故杜云欲使邾人見叔孫之屈辱

先歸

邾子士伯曰以芻蕘之難從者之病將館子於都注

都別都謂寘也音義

芻初俱反寘而昭反

叔孫旦而立期焉注

立待命也從旦至莫為期音義

期本又作暮同居其反

乃館諸

箕舍子服昭伯於他邑注別囚之范獻子求貨於叔

孫使請冠焉注以求冠為辭取其冠法而與之兩冠

曰盡矣注既送作冠模法又進二冠以與之偽若不

解其意音義

模莫胡反字從木解音蟹

為叔孫故申豐以貨如晉

注欲行貨以免叔孫音義

為于偽反

叔孫曰見我吾告女

所行貨見而不出注留申豐不使得出不欲以貨免

音義

汝女音

吏人之與叔孫居於箕者請其吠狗弗與

及將歸殺而與之食之注示不愛音義

吠扶反

疏正義曰狗

有吠守者有主獵者主獵者貴吠守者賤吏人請叔孫乞其吠守之狗

叔孫所館者雖

一日必葺其牆屋注葺補治也音義

葺七入反

去之如始

至注不以當去而有所毀壞音義

壞音怪

○夏四月乙

酉單子取訾劉子取牆人直人注三邑屬子朝者訾

在河南鞏縣西南音義

訾子斯反

六月壬午王子朝入于

尹注自京入尹氏之邑疏

注正義曰知自京入尹者以前年子朝在京王師雖

毀其西南不言克京又今年二師圍郊不言子朝在郊故云自京入尹劉炫以為前年王師已克子朝從

京入郊郊潰不知子朝所在而規杜非也

癸未尹圉誘劉佗殺之注尹圉

尹文公也劉佗劉蚩族敬王黨音義

佗圍魚呂反
徒河反

丙戌

單子從阪道劉子從尹道伐尹單子先至而敗劉子

還注單子敗故音義

阪音反又
扶板反

己丑召伯奭南宮極

以成周人戍尹注二子周卿士子朝黨奭召莊公庚

寅單子劉子樊齊以王如劉注辟子朝出居劉子邑

甲午王子朝入于王城次于左巷注近東城音義

近附

近之

秋七月戊申鄆羅納諸莊宮注鄆羅周大夫鄆

盼之子尹辛敗劉師于唐注尹辛尹氏族唐周地丙

辰又敗諸鄆甲子尹辛取西闡注西闡周地音義

音闡

韋一音暉

丙寅攻蒯蒯潰注河南縣西南蒯鄉是也於是

敬王居狄泉尹氏立于朝音義

蒯苦怪反

○莒子庚與虐

而好劔苟鑄劔必試諸人國人患之又將叛齊烏存

帥國人以逐之注烏存莒大夫音義

好呼報反鑄之樹反

庚與

將出聞烏存執殳而立於道左懼將止死注殳長丈

二而無刃音義

殳音殊

疏

注正義曰詩毛傳文也考工

記云殳長尋有四尺八尺曰

尋是其長丈二也又考工記戈戰皆有刃殳不言刃是無刃也

苑羊牧之曰君過之

注牧之亦莒大夫烏存以力聞可矣何必以弑君成

名遂來奔齊人納郊公注郊公著丘公之子十四年

奔齊音義

著直除反
又直慮反

○吳人伐州來楚薳越帥師注

令尹以疾從戎故薳越攝其事及諸侯之師奔命救

州來吳人禦諸鍾離子瑕卒楚師薳注子瑕即令尹

不起所疾也吳楚之間謂火滅為薳軍之重主喪亡

故其軍人無復氣勢音義

薳子潛反字林子兼反復
扶又反下王往復敗復增

同修吳公子光曰諸侯從於楚者衆而皆小國也畏楚

而不獲已是以來吾聞之曰作事威克其愛雖小必

濟注克勝也軍事尚威疏

正義曰尚書亂征云威克厥愛允濟愛克厥威允罔

功是古有此言

胡沈之君幼而狂注狂無常音義

狂求臣反

陳大

夫鬻壯而頑頓與許蔡疾楚政楚令尹死其師燿帥

賤多寵政令不壹注帥賤遠越非正卿也軍多寵人

政令不壹於越音義

帥所類反注及下帥賤同

七國同役而不同

心注七國楚頓胡沈蔡陳許帥賤而不能整無大威

命楚可敗也若分師先以犯胡沈與陳必先奔三國

敗諸侯之師乃搖心矣諸侯乖亂楚必大奔請先者

去備薄威注示之以不整以誘之音義

去起呂反

後者敦

陳整旅注敦厚也音義

陳直觀反下未陳并注同

吳子從之戊辰

晦戰于雞父注七月二十九日違兵忌晦戰擊楚所

不意疏

注正義曰成十六年傳卻至曰陳不違晦以犯天忌我必克之注云晦月終陰之盡故兵

家以為忌楚以兵之忌日不意吳來擊之必不設備吳人故違兵忌以晦出兵而戰擊楚所不意也倍二

十二年泓之戰書己巳朔成十六年鄢陵之戰書甲午晦此書戊辰而不言晦者釋例曰經傳之見晦朔此時史隨其日而存之無義例也賈氏云泓之戰譏宋襄故書朔鄢陵之戰譏楚子故書晦雞父之戰夷

之故不書晦左氏既無此說案雞父之戰經傳備詳其例非夷之實晦戰而經不書晦明經不以晦示褒貶

吳子以罪人三千先犯胡沈與陳注囚徒不習戰

以示不整三國爭之吳為三軍以擊於後中軍從王

注從吳王光帥右掩餘帥左注掩餘吳王壽夢子吳

之罪人或奔或止三國亂吳師擊之三國敗獲胡沈

之君及陳大夫舍胡沈之囚使奔許與蔡頓曰吾君

死矣師譟而從之三國奔注三國許蔡頓音義

譟素報反

楚師大奔書曰胡子髡沈子逞滅獲陳夏齧君臣之

辭也注國君社稷之主與宗廟共其存亡者故稱滅

大夫輕故曰獲獲得也

疏

注正義曰傳言舍胡沈之使曰吾君死矣是胡沈

之君死稱滅也釋例曰國君者社稷之主百姓之望當與社稷宗廟共其存亡者也而見獲於敵國雖存若亡死之與生皆與滅同故曰胡子髡沈子逞滅諸以戰傷死雖敗績而不見擒故經皆不曰滅則杜意國君生見獲亦書為滅也劉炫謂此胡沈之君戰死故言滅也春秋君戰生見獲者皆言以歸不書滅何得言雖存若亡皆為滅公羊傳曰其言滅獲何別君臣也君死于位曰滅生得曰獲大夫生死皆曰獲以爲君死曰滅生曰以歸韓戰貶晉侯從大夫例故書獲以規杜失今知非者莊十年齊師滅譚譚子奔莒定六年鄭游速滅許以許男斯歸是君存稱滅劉炫以爲生獲於敵但言以歸不得稱滅規杜非也但君

存稱滅則滅文在上滅譚滅許是也國
存君死則滅文在下胡子沈子是也

不言戰楚未

陳也注嫌與陳例相涉故重發之○八月丁酉南宮

極震注經書乙未地動魯地也丁酉南宮極震周地

亦震也為屋所壓而死音義

壓本又作厭同於甲反

疏

注正義曰經書

乙未地震謂魯國之地動也丁酉南宮極震則周地
亦震周魯相去千里故震日不同以震而死明為屋

所長弘謂劉文公曰君其勉之先君之力可濟也注

文公劉蚠也先君謂蚠之父獻公也獻公亦欲立子

猛未及而卒周之亡也其三川震注謂幽王時也三

川涇渭洛水也地動川岸崩疏

注正義曰周語云幽王二年西周三川皆

震伯陽父曰周將亡矣陽伏而不能出陰迫而不能
悉於是是有地震今三川實震是陽失其所而鎮陰也
陽失而在陰原必塞原塞國必亡夫水土演而民用
也水土無演民之財用不亡何待昔伊洛竭而夏亡
河竭而商亡今周德若二代之季矣其川原又塞塞
必竭夫國必依山山川崩川竭亡之徵也川竭山必
崩若亡不過十年數之紀也夫天之所棄不過其紀
是歲也三川竭岐山崩十一年幽王乃滅注國語者
亦云三川涇渭洛也西周在雍州之域周禮職方氏
正西曰雍州其川涇汭其浸渭洛鄭玄云浸可以為
灌溉者今西王之大臣亦震天棄之矣注子朝在王城

故謂西王東王必大克注敬王居狄泉在王城之東

故曰東王○楚太子建之母在耶注耶耶陽也平王

娶秦女廢太子建故母歸其家音義

耶古閭反

召吳人而

啟之冬十月甲申吳太子諸樊入耶注諸樊吳王僚

之太子音義

吳太子諸樊案吳子過號諸樊王僚是過之弟子先儒又以為過弟何容僚子

乃取過號為名恐傳寫誤耳未詳

疏

正義曰吳子諸樊吳王僚之伯父也僚子又名諸樊乃與伯祖

同名吳人雖是東夷理亦不應然也此久遠之書又字經篆隸或誤耳

取楚夫人與其

寶器以歸楚司馬遷越追之不及將死衆曰請遂伐

吳以徼之注徼要其勝負音義

徼古堯反要一遙反

疏

正義曰土地名

卽是蔡地蔡在楚之東北故建母在卽得呂吳
人也於時蔡常從楚且失夫人故遽越追之 遽越

曰再敗君師死且有罪注此年秋敗於雞父設往復

敗為再敗亡君夫人不可以莫之死也乃縊於遽渚

注遽渚楚地音義

縊一賜反 渚市制反

○公為叔孫故如晉及

河有疾而復注此年春晉為邾人執叔孫故公如晉

謝之音義

為于偽反注及下注 鄰國為之守相為同

○楚囊瓦為令尹注

囊瓦子囊之孫子常也代陽句音義

囊乃即反城郢注楚

用子囊遺言已築郢城矣今畏吳復增脩以自固音

義

又郢以井反

疏

注正義曰襄十四年子囊將死遺言謂子庚必城郢君子謂子囊忠將死

不忘衛社稷可不謂忠乎彼子囊城郢君子謂之為忠此囊瓦城郢沈尹戌謂之必亡事不同者國而無城不可以治楚自丈王都郢城郭未固子囊心欲城之其事未暇將死而令城郢故可謂之為忠今郢既固矣足以為治而囊瓦畏吳侵逼恐其寇入國都更復增修其城又求自固不能遠無邊竟惟欲近守城郭沈尹謂之必亡

沈尹戌曰子常必亡郢苟不能衛

城無益也古者天子守在四夷注德及遠音義

守手又反

下文除守其交禮竝同

天子卑守在諸侯注政卑損諸侯守在

四鄰注鄰國為之守諸侯卑守在四竟注裁自完音

義竟音境下及注同慎其四竟結其四援注結四鄰之國為

助音義援于眷反民狎其野注狎安習也音義狎戶甲反三務

成功注春夏秋三時之務民無內憂而又無外懼國

焉用城今吳是懼而城於郢守已小矣卑之不獲能

無亡乎注不獲守四竟音義焉於虔反昔梁伯溝其公宮

而民潰注在僖十八年疏注正義曰事在十九年諸本皆然當是傳寫誤民

棄其上不亡何待夫正其疆場脩其土田險其走集

注走集邊竟之壘辟音義疆居良反場音亦壘力軌反辟音壁親其民

人明其伍候注使民有部伍相為候望疏

正義曰賈服王董皆

作五候賈逵云五候五方之候也敬授民時四方中央之候王云五候山候林候澤候川候平地候也董云五候候四方及國中之姦謀也杜作伍候故云使民有部伍相為候望彼諸本蓋以上多云四故誤為也五信其鄰國慎其官守守其交禮注交接之禮不僭

不貪不懦不耆注懦弱也耆彊也音義

僭子念反懦乃亂反又乃

卧反耆巨支反

疏

正義曰不僭守信也不貪廉正也不懦不受辱也不彊不陵人也此

皆論守竟之事不僭不貪不耆謂不往侵鄰國也不懦謂不使人侵己也

完其守備以待

不虞又何畏矣詩曰無念爾祖聿脩厥德注詩大雅

無念念也聿述也義取念祖考則述治其德以顯之

疏

正義曰詩大雅文王篇也無念念也聿述也言王者念女先祖之法則還當述治其先祖之德以顯

之

無亦監乎若教蚡冒至于武文注四君皆楚先君

之賢者音義

蚡扶粉反冒莫報反

疏

注正義曰楚世家云周成王始封熊繹於楚以子男

之田居丹陽歷十四君至於熊儀是為若敖若敖生霄敖霄敖生蚡冒蚡冒卒弟熊達立是為武王武王生文王始都郢杜文十六年云蚡冒楚武王父雖不從世家以蚡冒為武王兄要沉尹以四君為賢故特言之
土不過同注方百里為一同言未滿一圻音義

圻音

祈

疏

正義曰言土雖至九百里猶止名同故云不過同非謂百里以下也知者以楚是子爵土方二

百里明非
百里也

慎其四竟猶不城郢今土數圻注方千里

為圻音義

數所主反

疏

正義曰如楚世家云武王以上未都於郢據當時都郢故以郢言之

謂不築其國都也

而郢是城不亦難乎注言守若是難以為

安也為定四年吳入楚傳

春秋左傳注疏卷五十

春秋左氏傳注疏卷五十考證

傳天王將鑄無射○

臣召南

按漢書五行志引此作將

鑄無射鐘鐘字蓋漢志所自加也

傳二至二分日有食之不為災○

臣照

按梓慎以二分

二至日食不為災知古算術之疎蓋自梓慎始知日
食可算而以分同道至相過為言則又失之遠也梓
慎以前大約竝不知日食之故

劉子單子以王猛入于王城○呂祖謙曰洛誥我乃卜

澗水東瀍水西惟洛食先儒以為今河南城也所謂
王城也成王定鼎于郊鄩是也我又卜瀍水東亦惟
洛食先儒以為今洛陽也即所謂成周也是時以成
周為下都所謂成周既成分正東郊是也至敬王時
自王城遷而都之臣呂南按成周去王城四十里漢

之河南縣周公所城雒邑也後漢郡國志河南春秋
時謂之王城注引博物記曰王城方七百二十丈郭
方一十里南望雒水北至陝山又引地道記曰去雒

城四十里是也漢之雒陽縣周所謂成周也

傳惡賓孟之為人也疏故劉子亦與同志○以文義推之劉子應作單子言單穆公與劉蚩同志也

傳單子逆悼王于莊宮以歸注悼王子猛也○悼監本訛作博今改正

傳晉籍談荀躒帥九州之戎○臣呂南按左氏叙次俱

以官爵為先後十五年荀躒如周籍談為介王稱躒為伯氏談為叔氏是籍談為大夫也此傳及後十二

月皆叙籍談于荀躒之上豈談此時已為卿乎晉之六卿皆在又不見有為卿之文何也

尹氏立王子朝○孫復曰立者篡詞言尹氏立王子朝其惡可知也

傳南宮極震○趙汭補注曰但言南宮極震明是以震而死不必為屋所壓也

傳慎其四竟猶不城郢疏如楚世家云武王以上未都於郢○臣呂南按楚世家文王熊貲始都郢又按漢

書地理志云文王自丹陽徙此

春秋左氏傳注疏卷五十考證

謹案第二頁後三行疏無射高縣刊本監本毛本
高訛在據宋本改

第三頁前二行疏風敝俗煩諸本敝訛散據宋本
改

第九頁前八行音義說文作微諸本微訛微據經
典釋文改

第十七頁前五行注幾仲江孫諸本江訛汪據宋
本改

第二十二頁前六行疏來而殺之諸本而訛必據

宋本改

第二十七頁後二行疏立之是常諸本常訛當據

宋本改

第二十八頁後五行疏斷其後而攻取之諸本斷

訛擁據宋本改

第三十四頁前四行注違兵忌諸本違訛遣據宋

本改



覆校官編修臣項家達

校對官檢討臣郭寅

謄錄監生臣袁文宿

欽定四庫全書薈要

經部

左傳注疏卷五十一

詳校官原任侍講臣王燕緒



欽定四庫全書薈要卷一百六十七

經部

春秋左傳注疏卷五十一

起昭公二十四年盡二十五年

晉杜氏注 唐陸德明音義 孔穎達疏

經二十四年春王二月丙戌仲孫貜卒注無傳孟僖子

也音義

貜俱縛反徐俱碧反

姒至自晉注喜得赦歸故書至

夏五月乙未朔日有食之

秋八月大雩

丁酉杞伯郁釐卒注無傳未同盟而赴以名丁酉九月

五日有日無月音義

郁於六反釐本又作
繫力之反又音來

疏

注正義曰
此年五月

乙未朔一大一小七月甲午朔九月癸巳朔五日得丁酉文在八月之下是有日而無月也

冬吳滅巢注楚邑也書滅用大師疏

注正義曰大都以
名通故不繫楚也

襄十三年傳例曰
用大師焉曰滅

葬杞平公注無傳

傳二十四年春王正月辛丑召簡公南宮嚚以甘桓

公見王子朝注簡公召莊公之子召伯盈也嚚南宮

極之子桓公甘平公之子音義

嚳魚中反見賢遍反

劉子謂莒

弘曰甘氏又往矣對曰何害同德度義注度謀也言

唯同心同德則能謀義子朝不能於我無害音義度徒

洛反

疏

注正義曰同德度義尚書泰誓文也劉炫云案孔安國云德鈞則秉義者彊莒弘此言取

彼為說必其與彼德同乃度義之勝負但使德勝不畏彼彊故即引泰誓而勸其務德杜為不見古文故致有此謬今知非者彼尚書之文論兩敵對戰揆度有義者彊此論甘氏又往既不能同德何能度義屬意有異與書義不同且引詩斷章其類多矣劉以為杜違尚書之文而規其過非也

太誓曰紂

有億兆夷人亦有離德注言紂衆億兆兼有四夷不

能同德終敗亡音義

紂直九反
億於力反

疏

注正義曰孔安國云夷人謂平人杜

為夷狄之人者案四年傳曰商紂為黎之蒐東夷叛之孔杜各自為義其意俱通劉炫以杜為過而規其

短非也

余有亂臣十人同心同德注武王言我有治臣

十人雖少同心也今大誓無此語音義

治直吏反

此周所

以興也君其務德無患無人戊午王子朝入于鄔注

緱氏西南有鄔聚言子朝稍強音義

鄔烏戶反緱古侯反又苦侯反

聚才住反

○晉士彌牟逆叔孫于箕注將禮而歸之叔孫

使梁其蹕待于門內注蹕叔孫家臣音義

蹕戶定反

曰余

左顧而歎乃殺之注疑士伯來殺已故謀殺之音義

歎苦
代反

右顧而笑乃止叔孫見士伯士伯曰寡君以為

盟主之故是以久子注久執子以謝邾不腆敝邑之

禮將致諸從者使彌牟逆吾子叔孫受禮而歸二月

媾至自晉尊晉也注貶媾族所以尊晉媾行人故不

言罪已音義

腆他典反
從才用反

疏

注正義曰卿當備書名氏
去氏則為貶責貶媾之族

喜於得免所以尊晉而自屈也釋例曰意如至自晉
傳言尊晉罪已媾至自晉傳復重發但言尊晉者意
如以罪見執宜在罪已媾本使人不應見執故尊晉
而已內大夫行還皆不書至異於公也今此二人執

而見釋更以書至見義也杜言見義者見其喜得釋特告廟而書至也

○三月庚戌晉

侯使士景伯涖問周故注涖臨也就問子朝敬王知

誰曲直音義

涖音利

疏

正義曰晉助敬王久矣今使景伯如周問曲直者以子朝更彊

久競未決晉人恐敬王不成更審其事故疑而使察之也晉人於此乃辭王子朝不納其使則以前猶與往來其心兩望至此始絕耳士伯立于乾祭而問於介衆注乾祭

王城北門介大也音義

乾音干祭側界反介音戒注同

晉人乃辭王

子朝不納其使注衆言子朝曲故音義

使所吏反

○夏五

月乙未朔日有食之梓慎曰將水注陰勝陽故曰將

水昭子曰旱也日過分而陽猶不克克必甚能無旱

乎注過春分陽氣盛時而不勝陰陽將猥出故為旱

音義

狎烏罪反

陽不克莫將積聚也注陽氣莫然不動乃

將積聚音義

陽不克莫絕句

○六月壬申王子朝之師攻瑕

及杏皆潰注瑕杏敬王邑音義

瑕戶加反杏戶孟反潰戶內反

鄭伯

如晉子大叔相見范獻子獻子曰若王室何對曰老

夫其國家不能恤敢及王室抑人亦有言曰嫠不恤

其緯注嫠寡婦也織者常苦緯少寡婦所宜憂音義

相息亮反發本又作
釐力之反緯有貴反

而憂宗周之隕為將及焉注恐

禍及已音義

隕于敏反

今王室實蠢蠢焉注蠢蠢動擾貌

音義

蠢昌允反擾而小反本又作動攝

吾小國懼矣然大國之憂也

吾儕何知焉吾子其早圖之詩曰鉶之磬矣惟壘之

耻注詩小雅壘大器瓶小器常稟於壘者而所受磬

盡則壘為無餘故耻之音義

儕仕皆反鉶本又作瓶步丁反壘音雷

疏

注正義曰此詩小雅蓼莪刺厲王之詩也或曰瓶是
器壘大鉶小實由壘所資鉶是小器常稟受於壘今
鉶磬盡壘更無物以共鉶惟是壘之恥也鉶喻周壘
喻晉言周之微弱恒依恃於晉今王室亂矣晉無力

以助之是晉之恥也詩注云瓶小而盡
鼎大而盈刺王不使富分貧衆恤寡

王室之不寧

晉之恥也獻子懼而與宣子圖之注宣子韓起乃徵

會於諸侯期以明年注為明年會黃父傳音義

父音甫

○秋八月大雩旱也注終如叔孫之言○冬十月癸

酉王子朝用成周之寶珪于河注禱河求福音義

珪于

河本或作沈于河
沈直陰反又如字

甲戌津人得諸河上注珪自出水

陰不佞以溫人南侵注不佞敬王大夫晉以溫兵助

敬王南侵子朝拘得王者取其玉將賣之則為石王

定而獻之注不佞獻王音義

拘音俱王定而獻之本或作王定之

與之

東訾注喜得王故與之邑鞏縣西南訾城是也音義

訾子斯反

○楚子為舟師以略吳疆注略行也行吳界將

侵之音義

疆居良反行下孟反下同

沈尹戌曰此行也楚必亡邑

不撫民而勞之吳不動而速之注速召也吳踵楚注

躡楚踵跡音義

踵章勇反躡女輒反

而疆場無備邑能無亡乎

楚大夫胥犴勞王於豫章之汭注汭水曲音義

場音亦犴

音岸勞力報反汭如銳反

越公子倉歸王乘舟注歸遺也音義

歸如

字又其媿反乘繩證倉及壽夢帥師從王注壽夢越反又如字遺唯李反

大夫音義

夢莫公反

王及圉陽而還注圉陽楚地音義

魚圉

反疏

正義曰王歸行及圉陽倉與壽夢辭還歸於越也

吳人踵楚而邊人不

備遂滅巢及鍾離而還注鍾離不書告敗略沈尹戌

曰亡郢之始於此在矣王壹動而亡二姓之帥注二

姓之帥守巢鍾離大夫音義

帥所類反注同

幾如是而不及

郢詩曰誰生厲階至今為梗注詩大雅厲惡階道梗

病也音義

幾居豈反又音幾梗更猛反

疏

注正義曰此詩大雅桑柔刺厲王之詩也

其

王之謂乎注為定四年吳入郢傳

經二十有五年春叔孫婁如宋

夏叔詣會晉趙鞅宋樂大心衛北宮喜鄭游吉曹人邾

人滕人薛人小邾人于黃父音義

計反

有鸛鵒來巢注此鳥穴居不在魯界故曰來巢非常故

書音義

鸛其俱反嵇康音權本又作鵒音劬公羊傳作鸛音權郭璞注山海經云鸛鵒鵒也鵒音欲

疏注正義曰此鳥穴居今驗猶然考工記云鸛鵒不踰

濟禹貢導沅水東流為濟入于河溢為滎東出于陶

丘北又東至于荷又東北會于汶又北東入于海濟經齊魯之界魯在汶水之南鸛鵒北方之鳥南不踰濟舊

不在魯界今來魯而不穴又巢居故曰來巢傳曰書所無也是非故書也公羊傳曰何以書記異也何異爾非中國之禽也宜穴又巢穀梁亦然案今大河以北皆有鸛鵒不得云非中國之禽也宜穴又巢信然

秋七月上辛大雩季辛又雩注季辛下旬之辛也言又

重上事音義

重直龍反又直用反

疏

注正義曰月有三辛上辛上旬之辛也季辛下旬之辛也

長歷推校此年七月己丑朔上辛月三日季辛二十三日也不書其日之辰空言辛者本見旱甚欲知二雩相去遠近耳無取於辰故空書辛也季辛又雩不言大者言又見其重上事上辛是大雩明季辛亦大雩也春秋早則修雩雩而得雨則書雩喜雩有益雩而不得雨則書早以明災成此書二雩者上辛雩而得雨雨少尋即為旱故季辛又雩傳曰秋書再雩旱甚也是言前雩少得雨旱甚而復雩故賈云上辛不注是也公羊傳曰又

雩者何又雩者非雩聚以逐季氏也公以九月始孫豈
七月已與季氏戰乎若使時實不早亦不得託雩以聚
矣衆

九月己亥公孫于齊次于陽州注諱奔故曰孫若自孫
讓而去位者陽州齊魯竟上邑未敢直前故次于竟音

義

孫音遜本亦作遜注
及傳同竟音境下同

齊侯唁公于野井注濟南祝阿

縣東有野井亭齊侯來唁公公不敢遽勞故逆之往至

野井音義

唁音彥弔
失國曰唁

冬十月戊辰叔孫婁卒注公不與小斂而書日者公在

外非無恩音義

與音預斂
力驗反

十有一月己亥宋公佐卒于曲棘注陳留外黃縣城中
有曲棘里宋地未同盟而赴以名

十有二月齊侯取鄆注取鄆以居公也音義

鄆音
運

傳二十五年春叔孫婁聘于宋桐門右師見之注右
師樂大心居桐門語卑宋大夫而賤司城氏注司城
樂氏之大宗也卑賤謂其才德薄昭子告其人曰右
師其亡乎君子貴其身而後能及人是以有禮注唯

禮可以貴身貴身故尚禮今夫子卑其大夫而賤其

宗是賤其身也注賤人人亦賤已能有禮乎無禮必

亡注為定十年樂大心出奔傳疏

正義曰揚子法言云何以動而見敬

曰敬人何以動而見侮曰侮人然則貴人者人亦貴之卑人者人亦卑之此言凡人輕賤其身則不能以尊貴之道及於他人若君子能自貴其身者已先貴人欲其身之貴是以須有禮然後能以尊貴之道及

於他人既尊貴他人是以有禮

宋公享昭子賦新宮注逸詩疏

正義曰燕

禮記云升歌鹿鳴下管新宮鄭玄云新宮小雅逸篇也其詩既逸知是小雅篇者管即笙也以燕禮及鄉飲酒升歌笙歌同是小雅知新宮必是昭子賦車轄小雅但其詩辭義皆亡無以知其意也

注詩小雅周人思得賢女以配君子昭子將為季孫

迎宋公女故賦之音義

轄本又作牽胡轄反將為于偽反

疏

注正義曰周人

思得賢女以配君子車牽詩序也杜以下云逆女故知將為季孫迎宋公之女故賦之杜必知為逆女而賦者以車牽之詩論逆女之事其詩云間闕車之牽兮思變季女逝兮言間闕然設此車牽思憶變然季女而往迎之又云辰彼碩女令德來教皆論逆女之事又昭子因聘逆女已共宋公平論故於享禮之時而賦車轄猶如季文子如宋致女還賦韓奕之詩與此正同又何不可而劉炫以為昭子賦車轄不為逆女又以新宮非昏姻之事而規杜過然新宮既亡焉知非是親好苟生異見於義非也

明日宴

飲酒樂宋公使昭子右坐注坐宋公右以相近言改

禮坐音義

樂音洛近附近之近
禮坐如字又才臥反
疏注正義曰燕禮云
司宮筵賓于戶西

東上小臣設公席于阼階上西鄉是禮坐公西向賓
南向也宋公使昭子右坐令在宋公之右蓋在宋公
之北同西向以相
近言其改禮坐也語相泣也樂祁佐注助宴禮退而

告人曰今茲君與叔孫其皆死乎吾聞之哀樂注可

樂而哀音義

哀樂音洛
注及下同

而樂哀注可哀而樂皆喪心

也心之精爽是謂魂魄魂魄去之何以能久注為此

冬叔孫宋公卒傳音義

喪息浪
反下同

○季公若之姊為小

邾夫人注平子庶姑與公若同母故曰公若姊疏正注

義曰公若即平子之叔父也不言平子之姑而云公若之姊明公若是平子庶叔此姑與公若同母故曰公若姊也生宋元夫人注宋元夫人平子之外姊生子以

妻季平子昭子如宋聘且逆之注平子人臣而因卿

逆季氏強橫音義

妻七計反
橫華孟反

公若從注從昭子音義

從才用反又
如字注同

謂曹氏勿與魯將逐之注曹氏宋元夫

人曹氏告公公告樂祁樂祁曰與之如是魯君必出

政在季氏三世矣注文子武子平子疏

注正義曰武子生悼子悼

子生平子政在季氏唯云三世不數悼子者悼子未為卿而卒不執魯政故不數也十二年傳曰季悼子

之卒也叔孫昭子以再命為卿卿必再命乃得經書
名氏七年二月經書叔孫婁如齊泣盟其年十一月
季孫宿卒是悼子先武子
而卒平子以孫繼祖也 魯君喪政四公矣注宣成

襄昭無民而能逞其志者未之有也國君是以鎮撫
其民詩曰人之云亡心之憂矣注詩大雅言無人則

憂患至音義

逞勅景反

魯君失民矣焉得逞其志靖以待

命猶可動必憂注為下公孫傳音義

焉於虔反

○夏會于

黃父謀王室也注王室有子朝亂謀定之趙簡子令
諸侯之大夫注簡子趙鞅輸王粟具戍人曰明年將

納王注納王於王城子大叔見趙簡子簡子問揖讓

周旋之禮焉對曰是儀也非禮也疏

正義曰樂記云籩簋俎豆制度

文章禮之器也升降上下周旋裼襲禮之文也又曰鋪筵席陳尊俎列籩豆以升降為禮者禮之末節也故有司掌之仲尼燕居云子張問禮子曰師爾以為必鋪几筵升降酌獻酬酢然後謂之禮子言而履之禮也又五年傳云公如晉自郊勞至于贈賄禮無違者晉侯以為知禮女叔齊曰是儀也非禮也此問揖讓周旋之禮又云是儀也非禮也凡此諸文皆言禮與儀異禮之與儀非為大異但所從言之有不同耳禮是儀之心儀是禮之貌本其心謂之禮察其貌謂之儀行禮必為儀為儀未是禮故云儀非禮也鄭玄禮序云禮者體也履也統之於心曰禮踐而行之曰履此訓兩釋良有以也鄭謂體為禮履為儀是其所

以禮儀別也

簡子曰敢問何謂禮對曰吉也聞諸先大夫

子產曰夫禮天之經也注經者道之常地之義也注

義者利之宜民之行也注行者人所履行音義

之行下孟

反注同

天地之經而民實則之則天之明注日月星辰

天之明也因地之性注高下剛柔地之性也疏

正義曰自

夫禮至因地之性言禮本法天地也自生其六氣至民失其性言天用氣味聲色以養人不得過其度也是故為禮以下言聖人制禮以奉天性不使過其度也經常也義宜也夫禮者天之常道地之宜利民之所行也天地之有常道人民實法則之法則天之明道因循地之恒性聖人所以制作此禮也此傳文於

天言常則地亦常也於地言義則天亦義也覆言天地之經明天地皆有常也天有常明之義地有常利之義也覆云則天之明是天以明為常因地之性則地以性為義是天以光明為常義地以剛柔為常義義謂義理性謂本性言天地性義有常可以為法故民法之而為禮也注正義曰覆而無外高而在上運行不息日月星辰溫涼寒暑皆是天之道也訓經為常故言道之常也載而無事物無不殖山川原隰剛柔高下皆是地之利也訓義為宜故云利之宜也杜以今文孝經云用天之道因地之利故天以道言之地以利言之天無形言其有道理也地有質言其有利益也民之所行法象天地象天而為之者皆是天之常也象地而為之者皆是地之宜也故禮為天之經地之義也孝經以孝為天之經地之義者孝是禮之本禮為孝之末本末別名理實不異故取法天地其事同也民謂人也人稟天地之性而生動作皆象

天地其踐履謂之為行但人有賢與不肖行有過與不及聖人制為中法名之曰禮故禮是民之行也行者人之所履也易及爾雅並訓履為禮是禮名由踐履而生也人之本性自然法象天地聖人還復法象天地而制禮教之是禮由天地而來故仲尼說孝子產論禮皆天地民三者並言之則天之明杜以為日月星辰者以下傳云為父子兄弟昏媾姻婭以象天明若衆星之共北辰故知天明日月星也杜知高下剛柔地之性者以下傳云為君臣上下以則地義則君高臣下臣柔君剛地義則地之性也傳文上下其理分明人法天地其事多種杜以天明地義舉要而言故不備顯刑罰威獄溫慈惠和劉炫責杜不具載其文而規其過非也此傳文天言則地言因者民見地有宜利因取而法效之因亦則之義也既言天之經不可復言地之經故變文稱義既言則天之明不可復言則地之性故變文言因因之與則互相通也

正是變文
使相辟耳

生其六氣注謂陰陽風雨晦明用其五行

注金木水火土氣為五味注酸鹹辛苦甘發為五色

注青黃赤白黑發見也音義

見賢遍反
下解見同

章為五聲注

宮商角徵羽音義

徵張
里反

淫則昏亂民失其性注滋味

聲色過則傷性疏

正義曰此言天用氣味聲色以養
人不得過其度也因上則天之下

更復本之於天傳稱天有六氣此言生其六氣謂天
生之也用其五行謂天用之也上天用此五行以養
人五行之氣入人之口為五味發見於目為五色章
徹於耳為五聲味以養口色以養目聲以養耳此三
者雖復用以養人人用不得過度過度則為昏亂使
人失其恒性故須為禮以節之注正義曰洪範云五

行一曰水二曰火三曰木四曰金五曰土孔安國云
皆其生數是其以生數為次也大禹謨說六府云水
火金木土穀五行之次與洪範異者以相尅為次也
此注言金木水火土者隨便而言之不以義為次也
五物世所行用故謂之五行五者各有材能傳又謂
之五材此傳所說禮意意在味色聲也但味色聲本
於五行而來五行又是六氣所生故先言六氣五行
然後至於味色聲也釋名五氣於其方各施行白虎
通云言為天行氣故謂之五行洪範又演五行云水
曰潤下火曰炎上木曰曲直金曰從革土爰稼穡潤
下作鹹炎上作苦曲直作酸從革作辛稼穡作甘孔
安國云鹹水鹵所生苦焦氣之味酸木實之性辛金
之氣味甘味生於百穀是言五行之氣為五味水味
鹹火味苦木味酸金味辛土味甘也五行本性自有
此氣氣至於人乃為五味味之為異入口乃知言氣
為五味謂氣入口與下章也發也皆據人知為文味

為性所有色是形之貌聲是質之響色可近視聲可
遠聞自近以及遠故以口目耳所知味色聲為次也
五色五行之色也木色青火色赤土色黃金色白水
色黑也木生柯葉則青金被磨礪則白土黃火赤水
黑則本質自然也發見也謂見於人目有此五色聲
之清濁差為五等聖人因其有五分配五行其本末
由五行而來也但既配五行即以五者為五行之聲
土為宮金為商木為角火為徵水為羽聲之清濁入
耳乃知是章徹於人為五聲也此言章為五聲元年
傳云徵為五聲章徵不同者據聲之至人是為章徹
據人之知聲則為徵驗是彼此之異言耳老子云五
味令人口爽五色令人目盲五音令人耳聲言其過
耽者之則有此病是

是故為禮以奉之注制禮以奉

其性為六畜注馬牛羊雞犬豕音義

畜許六反又楮六反五牲

注麋鹿麇狼兔音義

麋亡悲反麇九倫反本亦作麋

三犧注祭天地

宗廟三者謂之犧以奉五味疏

正義曰口欲嘗味目欲視色耳欲聽聲人

之自然之性也欲之不已則失其性聖人慮其失性是故為禮以奉養其性使不失也牲犧祭祀所用非人所食而以牲犧奉五味者禮推人道以事神神之所享皆是人食尊鬼神而異其名耳故亦為奉五味注正義曰爾雅釋畜馬牛羊犬雞五者之名其豕在釋獸之篇畜養也家養謂之畜野生謂之獸豕有豕豕豕故因記之於釋獸耳又釋畜之末別釋馬牛羊豕犬雞六者之名其下題曰六畜謂此是也周禮膳夫云膳用六牲是庖用六牲也庖人掌共六畜鄭玄云六牲馬牛羊豕犬雞六畜即六牲也始養之曰畜將用之曰牲是畜牲一也十一年傳曰五牲不相為用注云五牲牛羊豕犬雞此異彼者以上文已言六畜

則五牲非六畜故別解之周禮庖人掌共六獸鄭衆云六獸麋鹿熊麋野豕兔鄭玄云獸人冬獻狼夏獻麋又內則無熊則六畜當有狼而熊不屬今杜解五牲之名用鄭玄六畜之說去野豕而以其餘當之也傳稱牛卜曰牲鄭玄云將用之曰牲此五者實獸也據其將用祭祀故名之曰牲服虔云牲麋鹿熊狼野豕尚書泰誓武王數紂之罪云乃夷居弗事上帝神祇遺厥先宗廟弗祀犧牲粢盛既于凶盜於神祇宗廟之下總言犧牲杜雖不見古文其言閭與之合是祭天地宗廟之牲謂之犧也然則犧亦六畜而別言之者周禮牧人凡祭祀共其犧牲以授充人繫之鄭玄云犧牲毛羽完具也授充人者當殊養之然則六畜之內取其毛羽完具別養以共祭祀者乃名為犧故與六畜異言之也服虔云三犧鴈鶩雉也為

九文注謂山龍華蟲藻火粉米黼黻也華若草華藻

水草火畫火粉米若白米黼若斧黻若兩已相戾傳

曰火龍黼黻昭其文也音義

黼音甫
黻音弗

疏

注正義曰尚
書益稷篇云

帝曰予欲觀古人之象日月星辰山龍華蟲作會宗
彝藻火粉米黼黻絺繡以五采彰施于五色作服汝
明尚書之文如此其解者多有異說孔安國云日月
星為三辰華象草華蟲雉也畫三辰山龍華蟲於衣
服旌旗會五采也以五采成此畫焉宗廟彝樽亦以
山龍華蟲為飾藻水草有文者火為火字粉若粟冰
米若聚米黼若斧形黻為兩已相背葛之精者曰絺
五色備曰繡如孔此言日也月也星辰也山也龍也
華也蟲也七者畫於衣服旌旗山龍華蟲四者亦畫
於宗廟彝器藻也火也粉也米也黼也黻也六者繡
之於裳如此數之則十三章矣天之大數不過十二
若為十三無所法象或以為孔并華蟲為一其言華

象草華蟲雉者言象草華之蟲故為雉也若華別似
草安知蟲為雉乎未知孔意必然以否鄭玄讀會為
績謂畫也紃為繡謂刺也宗彝謂虎雉也周禮宗廟
彝器有虎彝雉彝故以宗彝名虎雉也周禮有衮冕
鷩冕毳冕其衮鷩毳者各是其服章首所畫舉其首
章以名服耳衮是衮龍也衮冕九章以龍為首鷩是
華蟲也鷩冕七章以華蟲為首毳是虎雉也毳冕五
章以虎雉為首虎毛淺雉毛深故以毳言之毳亂毛
也如鄭此言則於尚書之文其章不次故於周禮之
注具分辨之鄭於司服之注具引尚書之文乃云此
古天子冕服十二章希或作黻字之誤也王者相變
至周而以日月星辰畫於旌旗所謂三辰旂旗昭其
明也而冕服九章登龍於山登火於宗彝尊其神明
也九章初一日龍次二曰山次三曰華蟲次四曰火
次五曰宗彝皆畫以為績次六曰藻次七曰粉米次
八曰黼次九曰黻皆紃以為繡則衮之衣五章裳四

章凡九也驚畫以雄謂華蟲也其衣三章裳四章凡七也毳畫虎雌謂宗彝也其衣三章裳二章凡五也是鄭玄之說華蟲為一粉米為一也杜之此注亦以日月星辰畫於旌旗九文唯言衣服之文謂山也龍也華也蟲也藻也火也粉米也黼也黻也以此為九杜言華若草華而不言蟲則華蟲各為一也粉米若白米是粉米共為一也詩云魚在在藻為水草也孔安國云火為火字考工記畫績之事火以圜鄭衆云為圜形以火鄭玄云形如半圓然則杜言火畫火蓋同安國為大字也粉米色白故粉米若白米也考工記曰白與黑謂之黼孔安國云黼若斧形謂刃白而身黑故若斧也黻為兩己相戾今之刺黻猶然也引桓二年傳曰火龍黼黻昭其文也者以證此九文是山龍之屬也世本云胡曹作冕注云胡曹黃帝臣也繫辭云黃帝堯舜垂衣裳而天下治蓋取諸乾坤則冕服起於黃帝也加飾起自唐虞即書云予欲觀古人之

象云云是也所以衣服畫日月星等者象王者之德
照臨天下如三光之耀也山體鎮重象王者之德鎮
重安靜四方又能潤益含靈如山興雲致雨也龍者
水物也象王者之德流通無壅如水利蒼生又龍舒
卷變化無方象人君有無方之德也華蟲即鷩雉雉
有文章表王者有文章之德也宗彝常也宗廟之
常器有六彝今唯取虎雉者虎取毛淺而有威雉取
毛深而有知以表王者有深淺之知威猛之德也藻
者水草是鮮潔之物生於清水能隨短長象王者之
德冰清玉潔隨機應物隨民設教不肅而成也火者
火性炎上用表王者之德能使率土羣黎向歸上命
也粉米者米能濟人之命表王者有濟養之德也黼
白與黑形若斧斧能裁斷以象王者有裁斷之德也
黻之言戾戾背也黑與青謂之黻作兩己字相背象
王者能綏化兆民能使向己背惡以從善故為黻也
日之質赤月星之質白山作獐考工記云山以獐也

龍為騰躍之形雖爾雅云印鼻而長尾郭璞云似獼猴而大也章次如此者王者與天地合其德日月星天用昭明日最為盛所以居先月星光劣其次之上以象天下宜法地地之形勢莫大於山故次三光也龍為水物水出於山故次之也華蟲象於禮樂文章以禮樂文章潤於萬物故以次龍也宗彝所以次華蟲者言王者既有禮樂須威知乃行無威則民不畏無知則教不成故以次也藻所以次宗彝者王者威知之德隨世而應故以次也火者言王者有德必向歸仰之如火向上故次之也米所以次火者民既歸王王須濟活濟活之理得米為生故次之也黼所以次米者言王者能濟活兆民宜裁斷合理如斧之斷決故以次之黻所以次黼者王既裁斷得所善惡各有分宜人皆背惡從善故以次之

六采注

畫績之事雜用天地四方之色青與白赤與黑玄與

黃皆相次謂之六色音義

續戶疏注正義曰考工記對反疏云畫績之事雜五

色東方謂之青南方謂之赤西方謂之白北方謂之黑天謂之玄地謂之黃青與白相次赤與黑相次玄與黃相次鄭玄云此言畫績六色所象及布采之第次此杜取彼記文省約而為之辭也

五章以

奉五色注青與赤謂之文赤與白謂之章白與黑謂

之黼黑與青謂之黻五色備謂之繡集此五章以奉

成五色之用疏

注正義曰謂之繡以上皆考工記文也此刺繡之文以比方相次色亦采

也六采謂績畫五色謂刺繡故令色采之文異耳鄭注尚書性曰采施曰色味色聲三事色居其中故杜言集此五章以奉成五色之用明上下二文亦集為此所陳以奉成五味五聲之用舉中以明上下也

為

九歌八風七音六律以奉五聲注解見二十年為君

臣上下以則地義注君臣有尊卑法地有高下為夫

婦外內以經二物注夫治外婦治內各治其物疏正義正

曰此更覆上因地之義也為父子以下至生殖長育覆上則天之明也地有高下聖人制禮為君臣上下君在上臣在下以法則地之義也以地有剛柔為夫婦外內夫治外婦治內以經紀二物也物事也治理外內之二事也上云天之經也地之義也又云則天之明因地之性再重言之皆先天後地但法地事少則天事多故上先言法天後言法地此先云為君臣上下以則地義始云為父子兄弟以象天明者以其則地事少故先言之象天事多欲下就以從四時類其震曜殺戮及生殖長育皆是象天之事欲使文相

連接故後言之也下云以象天明則此當云以象地性而云以則地義者義之與性一也因其先言故遠覆上文地為父子兄弟姑姊甥舅昏媾姻亞以象天之義也

明注六親和睦以事嚴父若衆星之共辰極也妻父

曰昏重昏曰媾壻父曰姻兩壻相謂曰亞音義

媾古豆反

姻音因亞於嫁反本亦作姪同重直龍反

疏

注正義曰老子云六親不和焉有孝慈六親謂父子兄弟

夫婦也孝經曰孝莫大於嚴父論語云北辰居其所而衆星共之六親父為尊嚴衆星北辰為長六親和睦睦以事嚴父若衆星之共北極是其象天明也妻父為昏壻父為姻兩壻相謂曰亞皆釋親文也重昏曰媾爾雅無文相傳說耳釋親文曰男子先生為兄後生為弟男子謂女子先生為姊後生為妹父之姊妹

為姑母之舅弟為舅謂我舅者吾謂之甥
此皆世俗常言杜不解者為易知故也

為政事庸

力行務以從四時注在君為政在臣為事民功曰庸

治功曰力行其德教務其時要禮之本也音義

治直吏反

疏

注正義曰論語云冉子退朝子曰何晏對曰有政
子曰其事也如有政雖不吾以吾其與聞之於時

冉子仕於季氏稱季氏有政孔子謂之為事是在君
為政在臣為事也此對文別耳論語稱孝友是亦為

政明其政事通言也民功曰庸治功曰力周禮司勳
文也鄭玄以為庸謂法施於民若后稷力謂制法成

治若咎繇司勳又云王功曰勳國功曰功事功曰勞
戰功曰多鄭注云王功者若周公國功者若伊尹事

功者若禹戰功者若韓信陳平行其德教務其時要
使民春耕夏耘秋斂冬歲聖王之化先致力於民是

為禮之
本也
為刑罰威獄使民畏忌以類其震曜殺戮注

雷震電曜天之威也聖人作刑戮以象類之為溫慈

惠和以效天之生殖長育民有好惡喜怒哀樂生于

六氣注此六者皆稟陰陽風雨晦明之氣音義

孝反

長丁丈反好呼報反注及下於好皆同惡烏路
反下注及下於惡皆同樂音洛下及注皆同疏

正注

義曰賈逵云好生於陽惡生於陰喜生於風怒生於
雨哀生於晦樂生於明謂一氣生於一志謬矣杜以
元年傳云天有六氣降生五味謂六氣共生五味非
一氣生一味此民之六志亦六氣共生之非一氣生
一志故云此六者皆稟陰陽風雨
晦明之氣言共稟六氣而生也

是故審則宜類以

制六志注為禮以制好惡喜怒哀樂六志使不過節

疏

正義曰民有六志其志無限是故人君為政審法時之所宜事之所類以制民之六志使之不過節

也下云審行信令謂人君行之知此審則宜類亦是人君則之審者言其謹慎之意也此六志禮記謂之六情在己為情情動為志

情一也所從言之異耳

哀有哭泣樂有歌舞喜有

施舍怒有戰鬪喜生於好怒生於惡是故審行信令禍福賞罰以制死生生好物也死惡物也好物樂也惡物哀也哀樂不失乃能協于天地之性是以長久注協和也簡子曰甚哉禮之大也對曰禮上下之紀

天地之經緯也注經緯錯居以相成者疏

正義曰言禮之於天

地猶織之有經緯得經緯相錯乃成文如天地得禮始成就

民之所以生也是以

先王尚之故人之能自曲直以赴禮者謂之成人

不亦宜乎注曲直以弼其性疏

正義曰劉炫云禮有宜曲宜直不可信情

而行故人之能自曲直以赴於禮者謂之為成人不能赴禮則不成為人謂之為大不亦宜乎赴謂奔走言弼諧已性奔走以赴禮也恐劉義未當注正義曰性曲者以禮直之性直者以禮曲之故云曲直以弼其性
簡子曰鞅也請終身守此言也注鞅能守此言也

故終免於晉陽之難音義

以赴禮者赴或作從難乃且反

宋樂大心

曰我不輸粟我於周為客注二王後為賓客若之何
使客晉士伯曰自踐土以來注踐土在僖二十八年
宋何役之不會而何盟之不同曰同恤王室子焉得
辟之子奉君命以會大事而宋背盟無乃不可乎右

師不敢對受牒而退注右師樂大心音義

馬於虔反背音佩下

同疏

正義曰說文云簡牒也牒札也於時號令輸王

粟具戍人宋國之應出人粟之數書之於牒受

牒而退言服從也

士伯告簡子曰宋右師必亡奉君命以使

而欲背盟以干盟主無不祥大焉注言不善無大此

者為定十年宋樂大心出奔傳音義使所○有鸛鵒

來巢書所無也師已曰異哉吾聞文成之世童謠有

之注師已魯大人音義

已音紀一音祀謠音遙

曰鸛之鵒之公

出辱之注言鸛鵒來則公出辱也疏

正義曰此鳥以兩字為名但謠

辭必韻故分言之

鸛鵒之羽公在外野往饋之馬注饋遺也

音義

饋音求位反遺唯季反

鸛鵒跽跽公在乾侯注跽跽跳行

貌音義

跽張于反又張留反跳直彫反

微褰與襦注褰袴音義

褰起虔反

字林已偃反又音愆襦本或作疏注正義曰內則云襦而朱反袴苦故反說文作袴童子不衣襦袴是

衣有袴也以可褰
行故以褰為袴

鸛鵒之巢遠哉遥遥稠父喪勞宋

父以驕注稠父昭公死外故喪勞宋父定公代立故

以驕音義

稠直留反父音甫下同喪息浪反注同

鸛鵒鸛鵒往歌來哭

注昭公生出歌死還哭童謠有是今鸛鵒來巢其將

及乎注將及禍也○秋書再雩旱甚也疏

正義曰既言旱甚而

經不書旱者傳言旱甚解經一月再雩再雩雖曰旱甚然而後雩得雨不至成災故不書旱

○初

季公鳥娶妻於齊鮑文子生甲注公鳥季公亥之兄

平子庶叔父音義

娶七住反

公鳥死季公亥與公思展與

公鳥之臣申夜姑相其室注公亥即公若也展季氏

族相治也音義

夜本或作射音夜又音亦相息亮反注同

及季姒與饗人

檀通注季姒公鳥妻鮑文子女饗人食官音義

似如音檀

直丹反人名也或市戰反

而懼乃使其妾扶已以示秦遄之妻注

秦遄魯大夫妻公鳥妹秦姬也音義

扶勅乙反遄市專反

曰公

若欲使余余不可而扶余又訴於公甫注公甫平子

弟音義

訴音素又音慙

曰展與夜姑将要余注要刼我以非

禮音義

展與夜姑竝如字公思展及申夜姑也與及也讀或作餘音者非也要一遙反下同

秦

姬以告公之注公之亦平子弟公之與公甫告平子

平子拘展於卞而執夜姑將殺之公若泣而哀之曰

殺是是殺余也將為之請平子使堅勿內日中不得

請有司逆命注執夜姑之有司欲迎受殺生之命音

義偽為反公之使速殺之故公若怨平子季郈之雞鬪

注季平子郈昭伯二家相近故雞鬪音義郈音后字林下邁反

近附近之季氏介其雞注擣芥子播其羽也或曰以

膠沙播之為介雞音義介又作芥音界疏注正義曰杜此二解一讀介為芥擣

芥子為末播其雞羽賈逵云擣芥子為末播其雞翼
可以至邱氏雞目是此說也鄭衆云介甲也為雞著
甲高誘注呂氏春秋云鎧著雞頭杜又云或曰不知
誰說以膠沙播之亦不可解蓋以膠塗雞之足爪然
後以沙糝之令其澁得傷彼雞也邱氏為之金距平
以邱氏為金距言之則著甲是也

子怒注怒其不下已音義

下遐嫁反

益宮於邱氏注侵邱

氏室以自益且讓之注讓責也故邱昭伯亦怨平子

臧昭伯之從弟會注昭伯臧為子音義

從才用反後從者皆同

為讒於臧氏而逃於季氏臧氏執旃平子怒拘臧氏
老將禘於襄公萬者二人其衆萬於季氏注禘祭也

萬舞也於禮公當三十六人音義

禘大計反疏正義曰季氏私祭家

廟與禘同日言將禘是豫部分也樂人少季氏先使自足故於公萬者唯有二人其衆萬於季氏輕公重己故大夫遂怨注正義曰釋例曰三年喪畢致新死之主以進於廟於是乃大祭於大廟以審定昭穆謂之禘禘於大廟禮之常也各於其宮時之為也雖非三年大祭而書禘用禘禮也釋天云禘大祭也執干戚而舞謂之萬舞也隱五年傳說舞佾之差云諸侯用六是於禮法當三十六人也此以正禮言耳亦不知昔時魯君用六佾與否公羊傳曰昭公告子家駒曰季氏僭公室吾欲弑之何如子家駒曰諸侯僭天子大夫僭諸侯久矣公曰吾何僭矣哉子家駒曰設兩觀乘大路未干玉歲以舞大夏八佾以舞大武此皆天子之禮也如彼傳文當臧孫曰此之謂不能庸時或僭八佾佾不必用六也

先君之廟注不能用禮也蓋襄公別立廟疏

注正義曰杜以

襄若以次遞毀則廟與先公同處禘於襄公亦應兼祭餘廟今特云禘於襄公似與先公異處故云蓋襄

公別立廟

大夫遂怨平子公若獻弓於公為注公為昭公

子務人且為之出射於外而謀去季氏公為告公果

公賁注果賁皆公為弟音義

去起呂反賁音奔又扶云反又皮義反

公

果公賁使侍人僚袒告公公寢將以戈擊之乃走公

曰執之亦無命也注獨言執之無勅命音義

侍人本亦作寺

人袒側加反

懼而不出數月不見公不怒又使言公執戈

以懼之乃走又使言公曰非小人之所及也注謂僚

相為小人音義

數所主反下數世同見賢遍反

公果自言公以告臧

孫臧孫以難注言難逐音義

難如字注同

告郈孫郈孫以

可勸告子家懿伯注子家羈莊公之玄孫音義

郈孫以可

絕句勸勸公逐季氏也

懿伯曰讒人以君徼幸事若不克君受

其名注受惡名音義

徼反古

不可為也疏

正義曰讒人謂公若郈孫

之徒讒季氏者勸君使伐季氏以君徼天之幸幸而得勝則以為己功不勝則推君為惡不可從也

舍

民數世以求克事不可必也疏

正義曰克勝也言君從上以來舍民已經

數代今以求勝
此事不可必也
且政在焉其難圖也公退之注退使

去音義

捨舍音

辭曰臣與聞命矣言若洩臣不獲死乃

館於公注恐受洩命之罪故留公宮以自明音義

與音

預洩息列反又以制反注同漏泄也

叔孫昭子如闕注闕魯邑音義

闕音

暫反公居於長府注長府官府名九月戊戌伐季氏殺

公之于門遂入之平子登臺而請曰君不察臣之罪

使有司討臣以干戈臣請待於沂上以察罪弗許注

魯城南自有沂水平子欲出城待罪也大沂水出蓋

縣南至下邳入泗音義

沂魚依反

疏

注正義曰釋例土地名襄十八年沂出東

莞蓋縣艾山南經琅邪東海至下邳縣入泗此沂水出魯國魯縣西南入泗水是沂水有二也此注云魯城南自有沂水謂出魯縣者也又云大沂水出蓋縣南至下邳入泗謂襄十八年之沂水也以有二故辯

明之請囚于費弗許請以五乘亡弗許子家子曰君其

許之政自之出久矣隱民多取食焉注隱約窮困音

義

乘繩證反

為之徒者衆矣日入慝作弗可知也注慝姦

惡也日冥姦人將起叛君助季氏不可知音義

慝他得反

冥亡定反衆怒不可蓄也注季氏衆音義

蓄勑六反本亦作畜下竝同

蓄而弗治將蘊注蘊積也音義

蘊本亦作蘊紆粉反

蘊蓄民將

生心生心同求將合注與季氏同求叛君者君必悔之弗聽卬孫曰必殺之公使卬孫逆孟懿子注懿子仲孫何忌叔孫氏之司馬驪戾言於其衆曰若之何莫對注衆疑所助音義

驪子公反戾力計反

又曰我家臣也不

敢知國凡有季氏與無於我孰利皆曰無季氏是無叔孫氏也驪戾曰然則救諸帥徒以往陷西北隅以

入注陷公園也音義

陷陷沒之陷隅本或作隅音同

公徒釋甲執冰

而踞注言無戰心也冰攢丸蓋或云攢丸是箭筈其

蓋可以取飲音義

踞音據攢音獨丸胡官反
筈音童又音動一音勇

疏

正義曰二

十七年傳說此事云豈其代人而說甲執冰以游則此踞是游也曲禮云遊無倨倨是慢也謂傲慢而遊戲注正義曰賈逵云冰攢丸蓋也則是相傳為此言也方言曰弓藏謂之韃或謂之攢丸如彼文則攢丸是盛弓者也此或說攢丸是箭筈其蓋可以取飲十三年傳云司鐸射奉壺飲冰謂執此也詩云抑釋棚忌抑鬯弓忌鬯藏弓則冰藏矢也毛傳云棚所以覆矢棚與冰字雖異音義同是一器也

遂逐之

注逐公徒孟氏使登西北隅以望季氏見叔孫氏之

旌以告孟氏執郈昭伯殺之于南門之西遂伐公徒

子家子曰諸臣僞劫君者而負罪以出君止注使若

非君本意者君自可止不出疏

正義曰子家子以為公本意自伐季氏非

是諸臣所劫今子家意欲得令諸臣等僞作劫君以伐季氏者令負罪而出君自可止

意如之

事君也不敢不改注意如季平子名公曰余不忍也

與臧孫如墓謀注辭先君且謀所奔遂行己亥公孫

于齊次于陽州齊侯將唁公于平陰公先至于野井

齊侯曰寡人之罪也使有司待于平陰為近故也注

齊侯自咎本不勅有司遠詣陽州而欲近會于平陰

故令魯侯過共先至野井遠見迎逆自咎以謝公音

義

為于偽反咎其九反下同令力逞反

書曰公孫于齊次于陽州齊侯

唁公于野井禮也將求於人則先下之禮之善物也

注物事也謂先往至野井音義

下遐嫁反

齊侯曰自莒疆

以西請致千社注二十五家為社千社二萬五千家

欲以給公音義

疆居良反

疏

注正義曰禮有里社郊特牲稱唯為社事單出里以二十

五家為里故知二十

五家為社也以待君命注待君伐季氏之命寡

人將帥散賦以從執事唯君是聽君之憂寡人之憂

也公喜子家子曰天祿不再天若昨君不過周公以魯足矣失魯而以千社為臣誰與之立注為齊臣音

義

胙才

疏

正義曰天之福祿不可再謂得齊千社復得魯國也胙報也天若報君終不得過於

周公周公止封魯以魯封君足矣若既得魯國又得千社則是過周公矣周公理不可過得齊千社失魯國也既失魯國而以上下為臣於齊誰復與之立也言從君之人皆將棄君去矣

且齊君無

信不如早之晉弗從臧昭伯率從者將盟載書曰戮力壹心好惡同之信罪之有無注信明也處者有罪

從者無罪音義

戮音六又力彫反

繾綣從公無通外內注繾

繆不離散音義

繆音遣繆起阮反

以公命示子家子子家子

曰如此吾不可以盟羈也不佞不能與二三子同心

而以為皆有罪注從者陷君留者逐君皆有罪也或

欲通外內且欲去君注去君偽負罪出奔不必繆繆

從公二三子好亡而惡定焉可同也陷君於難罪孰

大焉通外內而去君君將速入弗通何為而何與焉

乃不與盟注何必守公音義

好呼報反惡烏路反焉可於虔反難乃旦反不

與音預

昭子自闕歸見平子平子稽顙曰子若我何昭

子曰人誰不死子以逐君成名子孫不忘不亦傷乎
將若子何平子曰苟使意如得改事君所謂生死而
肉骨也昭子從公于齊與公言子家子命適公館者
執之注恐從者知叔孫謀音義稽音啟賴
息黨反公與昭子

言於幄內曰將安衆而納公注昭子請歸安衆音義

幄於
角反

公徒將殺昭子疏

正義曰昭子謀歸安衆而後
納公則獨公得入從公伐季

氏者不得入故
欲殺昭子也

伏諸道注伏兵左師展告公公使昭

子自鑄歸注辟伏兵音義

鑄之
樹反

平子有異志注不欲

復納公音義

復扶又反

冬十月辛酉昭子齊於其寢使祝

宗祈死戊辰卒注恥為平子所欺因祈而自殺音義

齊側皆反

本又作齊

左師展將以公乘馬而歸公徒執之注展

魯大夫欲與公俱輕歸音義

乘如字騎馬也輕遣政反

疏

正義曰古者服

牛乘馬馬以駕車不單騎也至六國之時始有單騎
燕秦所云車十乘騎萬匹是也曲禮云前有車騎者
禮記漢世書耳經典無騎字也炫謂此左師展將
以公乘馬而歸欲共公單騎而歸此騎馬之漸也○

壬申尹文公涉于鞏焚東訾弗克注文公于朝黨於

鞏縣涉洛水也東訾敬王邑○十一月宋元公將為

公故如晉注請納公音義

為音于
偽反

夢天子樂即位於

廟已與平公服而相之注平公元公父音義

相息
亮反

疏

正義曰言已與父平公
盛服飾而輔相之也

旦召六卿公曰寡人不佞不

能事父兄注父兄謂華向以為二三子憂寡人之罪

也若以羣子之靈獲保首領以歿唯是槨拊所以藉

幹者注槨拊棺中苓牀也幹骸骨也音義

歿音沒槨
蒲田反拊

步口反又音附藉在夜
反苓力丁反骸戶皆反疏注正義曰說文云槨方木

棺中苓牀也宋元所言藉幹者舉骨
而言耳非獨為骨故云幹骸骨也

請無及先君注

欲自貶損仲幾對曰君若以社稷之故私降昵宴羣

臣弗敢知注昵近也降昵宴謂損親近聲樂飲食之

事音義

昵女乙反

若夫宋國之法死生之度先君有命矣

羣臣以死守之弗敢失隊臣之失職常刑不赦臣不

忍其死君命祇辱注言君命必不行祇適也音義

隆直

類反祇音支

宋公遂行己亥卒于曲棘注為明年梁丘據

語起本○十二月庚辰齊侯圍鄆注欲取以居公不

書圍鄆人自服不成圍疏

注正義曰經書取鄆而傳言圍鄆故云鄆人自服不

成園以傳云書取言易也故賈為此解杜從之也劉炫以為此時園鄆而未得明年方始取之經即因園書取傳言實園之日非自服也而規杜氏今知非者案二十六年公園成亦是園而不得而書園此若園鄆不得何以不書園案元年伐莒取鄆書取不言伐此園鄆取鄆亦書取不言園其義正同何為不可劉何知此年園鄆未服鄆若未服經何得書取苟出胸臆而規杜氏非也

○初臧昭伯如

晉臧會竊其寶龜僂句注僂句龜所出地名音義

僂力

主反又力具

疏

注正義曰釋魚云一曰神龜二曰靈龜三曰攝龜四曰寶龜五曰文龜六

反句居具反

曰筮龜七曰山龜八曰澤龜九曰水龜十曰火龜則

龜名無僂句故云所出地之名臧氏有蔡又有此蓋

所寶

以下為信與僭僭吉注僭不信也音義

僭子念反注同

非一

臧氏老將如晉問注問昭伯起居會請往注代家老
行昭伯問家故盡對注故事也及內子與母弟叔孫
則不對注內子昭伯妻不對若有他故再三問不對
歸及郊會逆問又如初注又不對至次於外而察之
皆無之執而戮之逸奔邠邠魴假使為賈正焉注邠
在東平無鹽縣東南魴假邠邑大夫賈正掌貨物使
有長賈若市吏音義魴音房賈音嫁注同疏正義曰賈正如周禮之賈師也賈師
二十肆則一人其職云各掌其次之貨賄之治辨其物而均平之禁貴賣者使有恒賈此邠邑大夫使為

賈正使為郈市之賈正也郈在後為叔孫私邑此時尚為公邑故使賈正通計簿於季氏計於季

氏注送計簿於季氏音義

簿步戶反

臧氏使五人以戈楯

伏諸桐汝之間注桐汝里名音義

楯食準反又音允

會出逐

之反奔執諸季氏中門之外平子怒曰何故以兵入

吾門拘臧氏老季臧有惡注相怨惡及昭伯從公平

子立臧會注立以為臧氏後會曰儻句不余欺也注

傳言卜筮之驗善惡由人○楚子使蘧射城州屈復

茹人焉注還復茹人於州屈音義

屈居勿反一音具勿反茹人音加

城丘皇遷訾人焉注移訾人於丘皇使熊相禡郭巢
季然郭卷注使二大夫為巢卷築郭也卷城在南陽

葉縣南音義

相息亮反禡音梅卷音
權或卷勉反為于偽反

子大叔聞之曰

楚王將死矣使民不安其土民必憂憂將及王弗能
久矣注為明年楚子居卒傳

春秋左傳注疏卷五十一

春秋左氏傳注疏卷五十一考證

丁酉杞伯郁釐卒疏七月甲午朔○七月下監本衍一

至字今刪

傳媯至自晉尊晉也○

臣呂南

按媯以前年見執此經

蒙前文故不書族非尊晉也呂祖謙曰媯不言叔孫
前見也

傳士伯立於乾祭而問於介衆○後漢郡國志河南尹
河南春秋時謂之王城東城門名鼎門北城門名乾

祭

傳梓慎曰將水昭子曰旱也○

臣呂南

按禘竈之占不

如子產梓慎之占不如昭子則知術士推以術不如
士大夫推以理也

傳王室之不寧晉之恥也○趙汭補注曰傳見天下責

望在晉又言徵會于諸侯期以明年見晉人急于勤

王

臣浩

按襄王之亂文公辭秦伯而自將以定王室

晉之所以霸也子朝之亂晉君及正卿不出徒以偏

師助之踰年未定乃始徵會諸侯蓋霸業既衰而大
夫分國之勢成矣

傳與之東訾注鞏縣西南訾城是也○後漢郡國志河
南尹鞏有東訾聚今名訾城注引此傳及杜預曰在
縣西南是其明証監本作鞏在帝南訾城誤也今改
正

傳王及圉陽而還疏倉與壽夢辭還歸於越也○辭監
本訛作而今改正

傳遂滅巢及鍾離而還○趙汭補注曰巢即五年遂啟
疆所城者本屬楚小國故得書滅劉氏曰巢伯爵國
非楚邑

公孫于齊次于陽州齊侯唁公于野井○孫復曰次于
陽州者不得入于齊也唁慰安之辭齊大國也不能
討意如于魯國徒能唁昭公于野井齊侯之惡亦可
見也

傳曰明年將納王○趙汭補注曰晉人徵會則曰明年

納王又曰明年傳見不惟怠且觀望矣

傳章為五聲疏聲之清濁入耳乃知○監本脫知字今添

傳以奉五味疏口欲嘗味目欲視色至服虔云三犧鴈驚雉也一段○監本誤刊于為九文下今改正

傳為九文疏考工記云龍為騰躍之形句下○監本即接似獼猴而大也獼猴獼字是獼字之誤此不過點畫脫耳夫以神龍騰躍而擬其狀于獼猴何其不倫

也今細玩文勢山龍之下應有虎雖但虎易知不煩
解說則此必言雖也按爾雅釋獸曰雖卽鼻而長尾
郭璞曰似獼猴而大也則此句正引彼文且鄭注周
禮司尊彝云雖禺屬卽鼻而長尾賈公彥疏亦引郭
璞云似獼猴而大也則此為脫誤顯然今于龍為騰
躍之形下添補雖爾雅云卽鼻而長尾郭璞云共十
二字

傳吾聞文成之世童謠有之○
臣呂南
按各本俱作文

武之世非也史記魯世家及漢書五行志俱引此作文成之世史記集解引賈逵曰文成魯文公成公尤其明証賈即注左傳之一家也今改正

傳鸛鵒之巢遠哉遙遙○

臣照

按五行志引此作遠哉

摇摇顏師古曰摇摇不安貌似較遙遙為勝蓋遠即遙也但遙或重疊其辭以見意亦未可定未敢據彼以改此

傳宋父以驕○父監本訛作公今改正

傳季氏介其雞疏然後以沙糝之○糝監本訛作糝今
改正

傳公使郈孫逆孟懿子○

臣呂南

按公不使人迎叔孫

昭子以昭子如闕未歸也使昭子在則司馬馯戾必
不敢助季氏而孟氏亦必從公矣

傳十一月宋元公將為公故如晉○監本宋字下行一
公字今刪

春秋左氏傳注疏卷五十一 考證

謹按第二頁前七行疏且引詩斷章刊本監本毛
本且訛其據宋本改

第四頁後八行疏恒依恃於晉諸本恒訛相據宋
本改

第五頁後一行注不佞獻玉刊本玉訛王今改
第十二頁前五行疏因地之利諸本因訛分據宋
本改

第十六頁前六行疏畫於旌旗刊本畫訛畫今改

前八行疏皆締以為繡諸本締訛希據宋本改

後三行疏火也二字諸本並脫據宋本增

第十八頁後二行注法地有高下諸本地訛則據


宋本改

第二十五頁前八行傳公執戈以懼之刊本執訛

使據宋本改

第二十六頁後一行疏釋例土地名刊本土訛士

今改



覆校官編修臣項家達

校對官檢討臣郭寅

膳錄監生臣馬嗣全